

東
華
續
錄

東華續錄

光緒一百六十七

臣朱壽朋敬編

臣張毓英恭校

夏四月丙申諭軍機大臣等前據順天府兩次代遞紳民呈請回鑾茲復據都察院聯銜陳奏具見依戀惻忱朕恭奉 慈輿駐蹕長安遙瞻 宗社時切愴懷未嘗不急欲回鑾以慰天下臣民之望著奕劻李鴻章將和約迅速議結俾洋兵早撤以便定期回鑾該親王等即將此旨徧諭臣民人等知之至回鑾日期內廷應行預備各事宜著傳諭世續屆時先為料理○諭三月十一日諭旨懲辦教案人員茲據岑春煊查明奏稱內有山西大寧縣知縣曹季鳳係曹季鳳陽縣知縣秦鑑湖係秦錫圭著卽更正○丁酉欽奉 慈輿端佑康頤昭豫莊誠壽恭欽獻崇熙皇太后懿旨京師自上年兵燹後官民均形困苦業經令戶部前後兩次籌給津貼銀兩以資接濟現在爲日已久艱難窘迫情形益加軫念所有在京王公百官加恩著按照季俸賞給五成實銀旗綠各營兵丁加恩著賞給一月錢糧其候補無俸官員實在當差得力者著一體加恩由留京王大臣會同戶部查明分別酌給以上所需銀兩卽著戶部照撥並飭各省關迅速解京用示惠愛臣工體恤兵艱之至意○戊戌陳璧奏國家定制以大曹總理庶務若網在綱

天下大政咸受成於是立法非不盡善然行之既久而百弊叢生者何也官不親其事而吏乃懷臂縱橫而出於其間也夫所謂大政者銓選也處分也財賦也典禮也人命也訟獄也工程也以吏爲之銓選可疾可滯處分可輕可重財賦可侵可蝕典禮可舉可廢人命可出可入訟獄可上可下工程可增可減使費既贏則援案以准之求貨不遂則援案以駁之人人惴恐而不能指其非天下之亂恆必由之然而公卿大夫不惟不能損除且倚若左右手而聽其指揮者何也官非不欲親其事而例案太繁不肯者與吏分肥任其弄法舞文無所不至其稍能自立者能不假手吏胥而檢查舊檔推究成案吏亦得隱持之然則欲吏殺其權非官親其事不可欲官親其事非省例案不可二百餘年以來名臣魁儒慷慨憂時之士痛心扼腕大聲疾呼以求去其積弊而卒不勝者何也承平之世務爲蹈襲欲舉百司相承之例案拉雜摧燒之此必無之事也臣愚以爲天下積重難返之勢障川挽瀾難爲功從古亂極思治之時改絃更張易爲力自頃京師迭遭兵燹各衙門文卷冊籍蕩然無存吏胥之窟穴其中者亦散之四方或改他業以去然則昔之痛心扼腕大聲疾呼求去此積弊而不勝者勝之此其時矣若遲之又久而散者盡歸改業者盡復則若輩遑定安集之日卽有滋蔓難圖之憂臣擬請朝廷發一明詔特簡通知古今公忠誠大體之重臣將京中大小各衙門所有重複抵牾不可猝了之例一時權宜可左可右無所折衷之案一

切罷去留其足爲典要者過事比附其無可比附者均恭候 欽定遵行亦以尊 朝廷而重制度也向例司員初到衙門無所事事一司辦事者不過數人其餘則旅進旅退而已夫司員既不辦事則每衙門多者數百人少亦百數十人安用此林林總總者虛糜太倉之粟爲哉 朝廷發一明詔自今伊始案卷盡提藏司堂司員親手分知記載續收續記逐日清理無令遺漏初到署之司員分司後一面閱看則例一面學習檢案檢案能矣卽令學習擬稿無一案不出司員之手檢無一稿不出司員之手裁堂官以是定其賢否而加之黜陟如此而人才不奮興者 臣不信也夫吏如虎也例案其爪牙也假虎以爪牙而任其搏噬及其傷殺人從而治之常不及之勢也不如去其爪牙而虎自伏今省例案而以官主之亦去吏之爪牙也吏既無所藉手雖欲恫喝夫誰畏之雖欲婪索夫誰予之如此而積弊不除 臣不信也或曰不任吏吏不已胥乎專任官官不已紛乎 臣且無暇上微諸古第卽今事以明之軍機處初設擬旨皆大臣主之後乃分任章京其上檔檢案皆由章京之手總理各國事務衙門案牘如山分股章京治之而有餘所謂供事者但供繕寫而已夫軍機者宰相之職天下事無所不綜總理主中外交涉天下安危所係也而可行豈部寺各衙門但司一事者反不可行哉卽如 臣管理街道巡視中城蒞事時均將檔案嚴密提取事必躬親從不假手胥吏雖當倥傯擾攘之時辦事亦覺順手推之各衙門當亦復然然非

朝廷有以鼓舞振興之則泄沓如故舊弊不除且又有甚於今之所云者昔漢臣陳湯云國家議大事非常所見衆必不從今非必異於古所云也臣請 皇太后 皇上獨奮乾斷毅然行之而無疑行見紀綱肅然人材日競內政自修然後可圖自強天下幸甚 上諭御史陳壁奏內治之要宜及時祛除積弊以立紀綱一摺所陳洞中窺要有裨治理殊堪嘉許亟宜切實施行著京師行在六部各衙門堂官按照所陳辦法均責成各司員親自經理例案不准再行假手胥吏當此兵燹案卷佚失之際著卽妥定章程遴派司員將現行各例刪繁就簡彙案就例悉心籌度詳細核定奏明辦理以杜情弊各該堂司官如再不振刷精神力祛積習以期實事求是共濟時艱定行重加懲處不貸原摺仍著鈔給閱看將此各諭令知之○已亥諭李經羲著調補雲南巡撫廣西巡撫著丁振鐸調補均著毋庸前來行在請訓丁振鐸著俟魏光燾到任後再行交卸雲貴總督署任○庚子諭軍機大臣等據奎順奏三月間有德兵至張家口空營內將埋藏之軍火刨出拉運自行失火傷斃洋兵數名旗兵傷斃甚多衙署房屋全行震塌該洋官南北送信恐藉詞生衅請電飭全權派員查辦等語此事究竟是何實情德兵有無尋衅之意卽著奕劻李鴻章探明電覆並派員馳往查辦毋任滋擾生事○調程文炳爲長江水師提督黃少春爲福建陸路提督○諭前據留京吏部堂官奏疏通銓選章程並擬開選月官各一摺朕詳加披閱所擬章程名爲簡易

實多掣轡當諭令軍機大臣會同行在吏部妥議具奏茲據該大臣等將原奏未盡妥協之處逐條指出並另擬辦法會奏所駁甚是其所擬辦法亦較平允即著依議行前因整頓部務諭令各部堂官將書吏積弊實力剔除吏部職司銓衡乃所擬選缺章程仍蹈書吏舞文之弊安望部務有起色耶此次堂司各官姑從寬免其置議嗣後該部辦公事必須嚴飭司員親手經理不得仍聽吏胥因緣為姦以肅官方而杜流弊兵部銓選事宜亦應查照此奏一律辦理其餘各部院公事亦多假手書吏各該堂官務當以吏部為戒督率司員將一切檔冊文件親自檢查是否齊全妥籌經理痛改從前積習匪他從事濯磨用副朝廷實事求是至意○辛丑調任道鎔為浙江巡撫以錫良為河道總督○命余聯沅回湖南布政使本任○以端多布為浙江按察使○癸卯奕劻李鴻章奏查上年十一月奉 旨批准和議總綱第十二款內開總理各國事務衙門革故更新其如何變通之處由諸國酌定中國照允施行等語屢經各使公推承商此事之美使柔克義日本使小村輝太郎前來商酌茲據領銜使臣日使葛絡幹照會以各使公商擬請將總理各國事務衙門改為外務部冠於六部之首管部大臣以近支王公充之另設尙書二人侍郎二人尙書中必須有一人兼軍機大臣侍郎中必須有一人通西文西語均作為額缺予以厚祿駁其所擬堂官共有四人足敷辦事之用各使每言西國外部祇一正一副至多兩副今於管部下擬設尙

將侍郎各二已較各國爲多若再加增必至發言盈廷遇事推諉商辦要務轉致需時所論尙爲切要其所以請用王公管部者雖各使欲借以自重而交涉事務出好與戎所關甚鉅以親信重臣當之與國家休戚相關自不至輕心誤事况總理衙門本有親王兼管係屬舊例似可照行外務部冠六部之首係倣西洋各國成式至請將外務部諸臣予以厚祿俾得專心辦公亦尙近理如蒙 俞允將外務部堂官定爲額缺其章京等亦應分設數司倣照六部司員之例卽於總理衙門章京內選派開去原衙門差缺改爲外務部司員將來應何如考充升轉並籤分學習之處應請 旨勅下督辦政務處大臣會同吏部妥議具奏司員如何分任職事各使原不過問惟必須豫爲部署庶幾一經改章堂司俱備規模整肅免致再被刺譏日使原文多有費解之處是以未經全敘摺內 上諭軍機大臣等奕劻李鴻章奏擬改總理各國事務衙門爲外務部一摺所有應設司員額缺各事宜著政務處大臣會同吏部妥議具奏○甲辰命工部尙書翟鴻璣在軍機大臣上學習行走○乙巳奕劻李鴻章電致 行在軍機處賠款一事養電所擬辦法因海綫斷得覆少遲各使催急卽照前議續發減數屢晤各使竭力商酌均不肯允美使所稱三萬一千萬據云屢商各國不允似美廷借此討好並無實在把握頃聞各使會議已有照會適德穆使過晤與談減數彼云美兵少且早撤故允減別國斷不能比必以四萬五千萬爲定數若遲則兵費須

加我們可先商備費國允定賠款四萬五千萬加息四釐但有 諭旨為慰德國必撤兵各國亦必隨撤嗣後如何分年酌還本息可徐商辦法如無現銀改給股票儘可允從他國現尙未議及此然英美已默許現議撤兵節令正好若交災暑便不能撤須遲至九月以後又須多添兵費為中國計實不合算問將此議照覆德兵先撤不至失信否穆謂我可擔保鴻等昨晤瓦帥亦盼賠款速定可速撤兵穆去而領銜為使照會已至據照稱所擬按月攤還總數僅足賠款之本並未算及利息應請再行酌核將中國國家於此事如何主見從速示覆等語雖虛渾其詞與穆使面稱各節相符今 兩宮急盼撤兵方議回鑒若不速定見瓦帥暨德兵不肯先撤各國必更觀望遲一日則多費百萬至秋後須多賠一百餘兆德使既輸誠於我不宜過與磋磨致誤機會乞速代奏嚴准施行 上諭軍機大臣等陽電悉價款四萬五千萬各國既不允減尙可照准惟前奏開索息一併計合三釐三毫零仍照此商減為要中國財力已竭各國皆所深知並請展寬年限方能勉籌著即迅速商定以便早日撤兵○丙午諭京師為天下之根本六部為天下政事之根本六部則例本極詳明行之既久書吏竄穴其中漁財舞文往往舍例引案上下其手今當變通政治之初亟應首先整頓部務為正本清源之道非盡去舊吏掃除案卷專用司員辦公不可茲值京師兵燹之後各部署案卷不過十存四五著即一併銷燬以示廓清弊竇銳意自強之意

自此次銷燬以後各部堂官務當督飭司員躬親部務各視事之繁簡另募書手若干名專備鈔繕文牘之用不准擬辦稿件積壓文牘並著堂司各官妥定簡明無弊章程通限兩箇月咨送政務處大臣核議具奏候旨頒行夫竊吏盜權人人所知亦人人所恨而積久不去者其故有二一則司員不習公事奉吏如師一則貪劣之員勾結蘇藩分財舞弊殊不知例爲舊有案乃新增彼倚案卷爲護符視書吏如手足者勦以無案可稽爲詞試問我朝入關之初究有何案可援 列聖勵精圖治亦何嘗拘守成案朕之棄案用例正以仰法 列祖振興庶務廣儲人才之意各部司員務當勤奮辦公其舊存者力任怨勞新進者專心學習但恐不能不愚不知朝廷求才若渴破除成格務各振刷精神削除積習修明百度以副朕懷有厚望焉○諭現在整頓部務裁汰書吏原爲祛弊起見所有各部裁退之書吏朝廷格外加恩予以出路著吏部按照向來年滿書吏應得議敘章程妥議辦法以示體恤○奕劻李鴻章電致 行在軍機處奏發電 旨詳悉查按三十年以賠款四萬五千萬週息四釐核計共息銀五萬四千萬各使前擬按一併加息四萬五千萬較省銀九千萬故合三釐三毫有零之數然此係呆板算法若於付欸之法及年期設法挪展雖認息四釐將來所付息銀至清欸時轉可少於四萬五千萬之數則本息總計尙可不至九萬萬英薩使付告徐壽朋言每年付銀二千六百萬三十年本息可以清欸總計共銀七萬八千萬

較原擬九萬萬已少一萬二千萬總之遞年付本便可遞年減利付息之多寡視所付之本爲衡宜核算
總數大處落墨僅於賠款開支之無益也今午派徐壽朋往見德使還 旨與商減息糧稱擬現在各
國借借四釐已減讓到家萬難再減告以英參贊傑彌遜在湖北對張之洞稱三釐半可商辦英再可商
德亦可減少糧稱未聞使談及此言不可信又稱瓦帥已奉本國政府訓條料理撤兵專候中國認利
準信以定行止伊亦奉到訓條四釐息一毫不能減如願商議則撤兵之期必改遲交盛暑即不能撤又
與商及付款年期辦法糧謂此可從容商議刻下撤兵之事最關緊要一言可決在四釐允與不允而已
專候 諭旨無煩多言等語查德提督瓦德西爲聯軍統帥德兵在直隸最多各國兵皆視德兵爲進退
德兵不撤各國兵皆觀望再遲數月非但兵費須增難免不生枝節英美德均稱息非四釐不可傑彌遜
所言似係隨口敷衍輕信必致誤事撤兵一節爲 兩宮回鑾迎早所繫以洋兵在境於官軍剿匪農民
耕種均有妨礙仰祈 聖明宸斷俯准所請大局幸甚請代奏 上諭軍機大臣等卦電各國償
款四百五十兆四釐息應准照辦○丁未命鄂鴻璣爲政務處大臣○己酉欽奉 慈禧端佑康頤昭豫
莊誠壽恭欽獻崇熙皇太后懿旨神機營虎神營隨扈弁兵著賞給清糧一千石由戶部發交該管大臣
妥爲散給以示體恤○諭岑春煊奏查明督東潰軍四出騷擾請將營哨各官分別懲辦一摺行軍以紀

律爲先乃管防各軍膽敢乘機搶掠竄堪痛恨自應嚴行懲辦以肅軍律管帶勁字後營記名總兵湖南
補用副將李錫仁管帶勁字左營花翎補用遊擊黃益泰管帶勁字右營花翎補用都司石輝連管帶武
功後營記名總兵唐紹鴻管帶武功左營補用參將方綏定管帶副軍哨官藍翎補用守備劉昆元勁字
中營哨官花翎補用遊擊李鎮南勁字右營哨官花翎補用都司陳芝位勁字後營哨官補用守備王錦
蘭武功前營哨官補用都司周清漢武功後營哨官補用副將王星煥補用參將楊長茂均著卽行革職
永不敘用管帶副軍右營哨官藍翎千總丁文治著該撫奏成劉光才查拿務獲到案訊明後請旨從嚴
懲辦統領忠毅湘管等軍大同鎮總兵劉光才著交部察議統領鄂軍浙江衢州鎮總兵方友升著交部
議處該撫所請察議之處著加恩寬免餘著照所議辦理該部知道○庚戌諭六部各衙門事務日久弊
生竊更因緣爲奸屢經降旨整頓昨因京師兵燹之後各吏案卷散失不全復諭掃除銷燬原以歧出之
案牘甚多界在兩司之間書吏得以上下其手應力除積弊若有關考察及稽例所無隨時新增成案
應由各部堂官派委司員逐一查明分別開單咨送政務處覆核其應留者一併纂入則例以歸畫一而
杜兩歧其應去者卽一律消除務使廓清弊習損益得中俾中外昭然共守不至再蹈從前積習用副朝
廷孜孜求治之意將此通諭知之○壬子欽奉 慈禧端佑康頤昭豫莊誠壽恭欽獻崇熙皇太后懿旨

爲政之道首在得人況值時局艱危尤應破格求才以資治理允宜敬遵 成憲照博學鴻詞科例開經
濟特科於本屆會試前舉行天下之廣何患無才其有志慮忠純規模遠學問淹通洞達中外時務者
著各部院堂官及各省督撫舉政出其著語卽行保薦並著政務處大臣擬定考試章程請旨辦理朝廷
振興百度母子一心嚮往日之因循思得賢以輔治爾諸臣當詳加延攬各舉所知共濟艱難以維邦本
使中興人才之盛再見於今則深宮所禱祀求之者也○諭現在時事艱難朕仰體 慈懷宮廷日用益
崇節儉所有各省每年例貢除茶葉藥材及有關於一切食物等項外其餘一切食物著一併永遠停止
○諭近因整頓部務特諭各部院堂官督飭司員清理案卷躬親辦事將從前蠹吏盡行裁汰以除積弊
惟聞各省院司書吏亦多與部吏勾通其各府州縣衙門書吏又往往交通省吏舞文弄法朋比爲奸若
非大加整頓不能弊絕風清至差役案擾尤爲地方之害其上司之承差則藉公需索州縣州縣之差役
更百般擾害閭閻甚至一縣皂役多至數百名種種弊端亟應一律革除著各該督撫通飭所屬將例行
文籍一併清釐安定章程仿照部章刪繁就簡嗣後無論大小衙門事必躬親書吏專供繕寫不准假以
事權嚴禁把持積壓串通牟利諸弊其各衙門額設書吏均分別裁汰差役尤當痛加裁革以期除弊安
民毋得因循徇庇仍由該督撫將整頓章程咨明政務處大臣彙敷具奏其認真與敷衍不難按牘而知

也○諭前因盛京副都統管昌巴彥蘇蘇統領鄂英湖南衡永郴桂道隆文浙江金衢嚴道鮑祖齡山西汾州府知府徐繼孫忻州知州徐桂林署歸化城同知郭之樞和林格爾通判毛世徽托克托城通判樊恩慶寧遠州司獄李鳴和等縱匪仇殺致釀事端降旨將管昌鄂英發往極邊充當苦差隆文等發往極邊永不釋回該員等雖各其重本應按律擬斬監候既經朝廷加恩貸其一死改發極邊已屬從輕辦理著刑部查催迅速定地發配毋任延宕至浙江巡撫劉樹堂前已革職永不敘用飭令回籍仍著交地方官管束以示懲儆○癸丑奕劻李鴻章電致 行在軍機處醇親王赴德一事正月咸電已詳陳昨德穆使因賠款息銀議定欲催早去頃接呂使置電德軍以事使現可舉行屆時當優禮接待應請降 旨特派醇親王爲頭等出使大臣並令前閣讀學張翼副都統廢昌隨往贊助一切上等猶慮該員等情形未熟與瓦帥商酌添派德員隨行德君性急醇去恐難遲緩可否令其不必遠赴 行在請 訓致當時日國書禮物即代豫備瓦來辭行定明早起程先赴日本其兵隊約兩禮拜後可陸續撤回并附聞請奏 上諭醇親王載灃著授爲頭等專使大臣前赴大德國敬謹將命前內閣侍讀學士張翼副都統廢昌均著隨同前往參贊一切○甲寅諭翰林院爲儲才重地在館各員自應請求實學通達古今以備朝廷任使乃近日風氣專以詩賦小楷爲工儆精神於無用而經世事務或轉不暇者求殊非造就人才之意

茲當變通政治之初允宜首先整頓後編檢以上各官應專課政治之學以大清會典六部則例爲宗
旁及古今政書直省通志凡有關經濟者皆當究心他如條約公法以及天算格致諸書聽其分門肄習
其有願赴南北洋學習者亦准其在本署呈明咨送前往著掌院學士酌定課程每月呈送習記擇其議
論切實確有見解者選錄進呈量予獎勵其紕繆不正有害士習者分別參劾凡散館大考考差均應一
律變通著掌院學士妥擬章程咨送政務處王大臣覆核請旨辦理朝廷側席旁求冀得通儒碩彥朝夕
論思用恢治道其各爭自濯磨以副朕求治作人之至意○丙辰諭上年七月以來倉卒拂選朕侍 慈
福端佑康頤昭豫莊誠壽恭欽獻崇熙皇太后舊駐關中瞬將經歲朕懷 宗社時切疚心今和局已定
昨經諭令內務府大臣掃除宮闕亟欲即日回鑾惟現在時令已交仲夏天氣炎熱 聖母高年理宜衛
攝起居以昭頤養雖於海署之際跋涉長途自應俟節候稍涼啟程茲擇於七月十九日朕恭奉 慈
輿由河南直隸一帶回京著各該衙門先期敬謹預備將此通諭一體咸知俾慰天下臣民之望○奕劻
李鴻章電致 行在軍機處巧電 旨到遵擬 國書一通請代呈 御覽酌定候復即續恭擬 國書
全文如下 大清國 大皇帝敬致書於大德國大皇帝陛下朕維中國與貴國訂約以來信使往還輯
睦無間前歲貴國親王來京朕疊次接見情誼尤爲款洽乃上年五月義和拳匪闖入京師兵民交鬪貴

國使臣克林德竟至被戕州命該使臣銜命來華辦理交涉事件悉臻妥協朕甚嘉許不意變生倉猝速爾捐軀朕自維薄德未能先事預防保護多疏疚心曷極已於該使臣死事地方勅建銘誌之坊用以旌善譚忠昭示後來茲派醇親王載灃爲欽差頭等專使大臣親詣國書前往貴國呈遞該親王分屬近支誼同休戚特令竭誠將命以表朕惡悔之意又此次貴國勞師遠涉戡匪安民和議早成生靈無恙尤徵大皇帝顧全大局并令該親王代朕道達謝忱惟望大皇帝靈祐前嫌益敦夙好從此我兩國共享昇平之福永聯玉帛之歡惟大皇帝鑒察焉軍機大臣奉 旨所擬國書准其照辦○奕劻李鴻章電致 行在軍機處翰林院檢討吳式釗前經掌院奏參交本籍監禁昨據該使爲之解說尙未及辦茲又據英薩使函稱吳式釗爲本國福公司聘用無故被羈請咨行該省釋放等語查英義福公司前請採辦營豫煤鐵經總署奏准嗣汴撫奏調吳式釗前往聯絡該衙門不知原委輒加參革迹近經罔可否請 旨飭下雲南督撫卽日釋放以昭公道請代奏軍機大臣奉 旨吳式釗著加恩准其釋放○丁巳電 諭奕劻李鴻章現已定期回鑾京師各使館酌留兵隊前據奏各國統計不過數百名究竟確留若干使館租界逼近禁城聞有築城設礮臺之說擬飭電詢並令設法商阻著卽電覆又鐵路應收回俾免火車入城津京沿途洋卡洋兵酌留數目以少爲妥以上各節均關緊要該王大臣務須切實商定一面先將情形

電奏為要洋兵撤後地面匪徒尤須嚴防查拿毋稍疏虞以昭肅靜○戊午以邢桐為左翼總兵○薛允升奏查奏管實官捐輸前經調任巡撫臣岑春煊體察災情輕重請以六成歸奏四成歸督嗣復經前護理巡撫臣端方申明所收捐款應以成各省捐局委員接奏奏六督四奏章分解兩省備用如有知解即由兩省自行催提遲滯者奏參催繳均各先後奏明奉 旨允准在案頃接岑春煊來咨據稱晉省庫儲不充惟有將各省捐局撥歸晉省經理者統解晉省以應急需一俟捐缺辦竣再山晉省與陝省照章核算各等因前來伏思奏六督四之議岑春煊實倡之乃自調任晉陽遂將東南富庶省分概行改歸晉省經理茲復欲捫取奏之六成併歸諸晉人從已移急就緩是始非愛奏繼非愛晉視己之所在以為厚薄不顧不怨莫甚於斯至謂俟賑務辦竣按章核算夫至晉賑辦竣奏亦不需此款斯生前之饒食而奠死後之壘漿奏雖至愚誰能忍受相應籲懇 天恩飭下山西巡撫臣岑春煊仍照奏六督四原奏由各捐局將所集捐款按成分解兩省俾資賑撫如蒙 俞允再由臣等分別咨行各省勸捐委員遵照仍舊辦理免致紛歧得 旨著仍照奏六督四原奏分撥濟賑○己未奏勸李鴻章奏光緒二十七年四月初六日准比國使臣姚士登照稱去歲拳匪肇畔曾經兩次照請保護蘆漢鐵路在案查聯軍不久退出直隸省現今務籌萬全之策保護鐵路工役諸人並鐵路物料等事而聯軍須目觀中國竭力設法保護外

國人以及鐵路諸物永無危險聯軍方能退去即希奏明 朝廷允准鐵路總辦相機調兵保護鐵路兵
須任其指使多寡亦聽隨時調用倘有電綫若是修齊亦飭各該地方官務當竭力保衛不令再生亂萌
請作速轉奏諸 旨責成各該地方官擔任其事將去年亂由以至重修蘆漢鐵路各節發明以令天下
周知竭力保護之至意務將所論各節即日辦妥不獨鐵路不致損壞即中國利源亦由斯茂盛等因
等查鐵路以便轉輸電綫以通消息益國便民功效難以枚舉近十餘年來 國家於鐵路電綫兩端特
派大臣經營締造動撥部帑籌借洋款始得其規模乃民間風氣未開習於銅鐵未識 朝廷利國之
遠謨視同外人經商之恆產去年拳匪之亂肆意拆毀幾至前功盡棄現在事局初定逐漸修復又須另
籌巨款比國使臣姚士登因蘆漢鐵路係借此款興修照會上等奏明請 旨責成保護係為保全路工
預防變端起見似可准行且據照稱聯軍須日視中國竭力設法保護外國人及鐵路諸物方能退去尤
應實力籌辦以期大局早定謹鈔錄該使照會恭呈 御覽擬請 旨宣明鐵路電綫為中國興利之源
鐵路各項物料均係助用國帑購造工藝諸人亦係 國家招僱責成經過各州縣及各防營切實保
護如有疏虞從嚴懲辦並令出示剴切曉諭軍民人等務各仰體 朝廷興作本意家喻戶曉悉泯猜嫌
儻敢抗違定行嚴法懲辦庶幾觀聽一新永弭禍患至該使臣所稱准由鐵路總辦向地方官調兵護路

任其指使多寡亦聽總辦隨時調用各節查各項鐵路合同本有准設巡兵護路之條電綫本亦派兵看守惟三五零星過事未能得力應如何設法整頓酌量歸併之處併請 飭下督辦鐵路大臣妥議奏明辦理總期兵歸實用權不外移以仰副 聖主慎重要工備預不虞之至意 上諭奕劻李鴻章奏請嚴飭各省保護蘆漢鐵路電綫一摺鐵路電綫為國家興利之源十數年來經營甚速迭撥鉅帑方得暢具規模乃上年拳匪之亂蘆漢鐵路及沿途電綫肆意拆毀幾至盡棄前功殊堪痛恨現在大局漸定亟應及時修復其經過地方尤宜加意防範著各該督撫嚴飭所屬州縣及各防營認真辦理該公司各項物料均係動用國帑購造工料諸人久係國家招僱應一體切實保護毋得稍有疏虞致干參處並著出示剴切曉諭軍民人等務各仰體朝廷興作本意家喻戶曉悉泯猜嫌倘敢抗違定即嚴拿重辦以肅政令至沿途巡護之兵弁務須得力應如何酌量歸併隨時調遣之處著督辦鐵路大臣妥議章程奏明辦理○崑岡奏查光緒二十六年五月間具奏翰林院衙門情形時適當鎮林礪雨之中役徒驚慌星散逃避第以傳聞之說猝然呈報奴才入奏時又因時事倥傯未能詳察情形今准全權大臣轉鈔英國全權大臣照會奴才始知上年五月二十七日翰林院衙署被火根山寶係當日亂軍趁風縱放所致確非西人焚毀且聞延燒時西人尙敦睦誼出力救援奴才不敢以陳奏在先稍涉迴護相應自行檢舉據實更

正得 旨著卽更正○正白旗漢軍都統德雲卒賜卹如例○命鍾璽接辦西流水圍荒事務○庚申奕劻李鴻章奏和議總綱第二款內載諸國人民被戕害陵虐之城鎮五年內概不得舉行文武考試等語本年二月十一日據領銜日國使臣葛絡幹照會援引前項條款以經諸國全權開列應停考試各城鎮清冊請爲轉奏等因當查上年總綱各款交來後 臣等曾經辦具說帖以各府屬州縣所管城鎮甚多應查明何城何鎮地方如有戕害陵虐諸國人民之事自應照辦此項自指本地歲科試而言至鄉會試係各直省合考之事內如有戕害陵虐諸國人民之城鎮應仍照前項查明分別辦理其他別城鎮並無干涉者仍應照常考試以示勸懲分致各使在案接到爲使照會復又重申前說並詳敘比如一縣所屬內有一鎮有虐害諸國人民之事祇應停此一鎮之考而不能將閭閻考生概予停試至於一府所屬總有數縣此縣與彼縣相去頗遠尤未便以一城內應行停考遂併一府而均停之若因一城一鎮蕩民滋事之故致令其餘各城鎮安分良民均受停考數年之累何以昭公道而服人心商令詳細開明城鎮地名不得統稱某府某縣備文照覆二月二十日又據葛使來文謂於第二款末段所論諸國人民被戕害陵虐之各城鎮停考一事發端原意統行誤會原意乃藉中國向來自用之罰以禁士人附和之習且指斥 臣等照會恃其欺罔之術謬論之詞以保應失之利遂一細查應行停考之城鎮恐致波及全省勢不能

不較此尤爲更甚等語三月十六日復又照會琦使以停考五年係停止滋事地方之人五年內不准應考非曾經滋事之地五年內不准開考卽如北京一處上年既肇變亂其籍隸本城之士子罰停五年考試理固當然惟北京係中國都城不但各省舉人皆須來京會試卽順天鄉試亦合南北中三區有各省貢監生在內並不止順天府生員若將會試與順天鄉試一概議停則併各省之人皆無從應試是以數城鎮人滋事之故而竟絕各省士子登進之階應仍按停考地方罰停該處之人應試其非居該城鎮者仍准照常赴考不得統指一府一縣以示區別等因三月二十五日琦使送來照覆堅執和議大綱第二條真意乃滋事之地五年內不准開考引第二條原文五年內概不得舉行文武各等考試一語以相駁詰詞氣甚爲固執查府城停考其所關外縣生童尙可調赴鄰府考試若鄉試信闕甚非易至會試更無在外省開科之例臣等竊思鄉會爲抡才大典京師乃首善要區停試五年慮無以振文風而慰士望祇可由爲選就或期得以轉圜爰擬將各使等單開停考府縣一律允其照辦僅與商酌會試及順天山西鄉試照常開考並以直隸滄州河間並未戕害陵虐教士不應列入停考單內此外尙有似此者亦應查明剔除分辦節略照會先後送去各使日久未覆探得此事惟英使陸道義持之最力復派員前往面商據該使稱和議第二款載明戕害陵虐諸國人民之城鎮五年內不准舉行文武各等考試北京與山

西太原賸舊陵虞諸國人民較各處爲甚若此兩處仍照常開考他處更可不必議停告以此兩處雖仍開考但本地土著及外來滋事地方之人應扣除不准應試實與停考無異該使謂既經明定條款滋事城鎮不得舉行考試何得復以舉行之說相商斷難允從直隸藩司周馥以事由教案而起該司正與各國教士商辦教案因以教士不宜與儒士結仇之說贊助之教士暗中助力周馥復與法俄美國各使委婉商酌該使等均允轉勸英使現據領銜日國使臣葛絡幹照覆內稱順天太原鄉試仍請停止北京會試尙須詳細查核等語譯所附法文詞意係商妥再覆蓋各使之意俱願照依英使必不能以一人違衆如真不能允各使決不以順天山西鄉試應停先行照覆其爲允許舉行會試無疑各使又以滄州河間誤開停考此次覆文計照原開停考單內刪除十九處謹照刪定各處照繕清單請 旨宣示由各該省督撫出示曉諭俾衆周知 上諭本日奕劻李鴻章具奏各國議定滋事地方停止文武各考試五年一摺據稱順天太原地方鄉試仍應停止其單開山西省之太原府忻州太谷縣大同府汾州府孝義縣曲沃縣大寧縣河津縣晉陽縣朔平府文水縣潞陽縣平陽府長子縣高平縣澤州府臨州府蒲縣絳州歸化城綏遠城河南省之南陽府河南縣鄭州光州陳州府浙江省之衢州府直隸省之北京順天府保定府永清縣天津府順德府望都縣穆鹿縣新安縣通州武邑縣景州灤平縣東三省之盛京甲子廠連山于

慶街北林子呼蘭城陝西省之寧夏州江西省之鄱陽縣湖南省之衡州府等地方均應停止文武小試五年著各該省督撫學政遵照辦理出示曉諭○辛酉崑岡等奏續查殉難官員海忠阿玉連等請從優賜卹允之○壬戌以升允爲陝西巡撫李紹芬爲陝西布政使○諭奕劻電奏京城各處踴躍所經請特派大臣修葺等語現在回鑾有期自應先行擇要修理著派張百熙桂春景澧陳燧龍切實估修當此庫款支絀物力艱難該大臣等務卽嚴督司員破除積習核實辦理總期工堅料實毋得稍涉虛糜○直隸京官劉恩溥等奏上年拳匪倡亂起自山東日延日熾釀成今日之禍寶山奸邪徒黨煽惑愚頑並無股實良善守分農民敢於輕起衅端及至強鄰壓境兵禍已成乃紛紛潰敗向之紅巾白刃殺人縱火之徒均已傷亡奔竄而良善農民轉實受其殃自天津失陷直犯京師焚殺之慘通州良鄉被禍尤烈近畿州縣到處騷然敗兵之劫殺土匪之焚掠洋兵之搜括教民之倡勸遂使萬衆流離死喪十室九空而各國洋將教士索償多欸藉口毀教堂殺教民皆責罰於民間每州縣或數萬或數十萬之多且均限當時立辦不容延緩惟議約以教案嚴責守令地方官自顧考成不敢不辦竟至計畝勒派按戶嚴迫向辦教案費用悉出有司京師現燬教堂賠償亦由公款而環畿州縣將責民間幾獨子遺仰懇 天恩飭下戶部咨商全權大臣籌欸辦理俟民氣稍復以後或畝捐或戶捐酌分年數陸續歸欸則民力紓而教案亦結

得旨著奕劻李鴻章就近體察情形會同戶部妥籌辦理○癸亥諭回鑾著已定期吏部右侍郎張英麟戶部左侍郎吳樹梅兵部左侍郎寶華都察院左副都御史何乃鑒國子監祭酒王埉鑲黃旗滿洲副都統敬昌鑲紅旗蒙古副都統黃永安均著先行回京供職各部院人員由隨扈堂官每衙門酌留數員外其餘著該堂官飭令分起回京著戶部酌給川資津貼以示體恤○是月法蘭西國新簡駐華使臣鮑源抵任

五月乙丑朔諭袁世凱現丁降服變理應守制惟山東地方伏莽甚多交涉尤關緊要袁世凱撫東以來辦理一切均臻妥協正賴該撫妥籌全局以濟時艱袁世凱著賞假百日即在撫署穿孝假滿後改爲署理照常任事用副委任山東巡撫著胡廷幹暫行護理遇有要事仍著商同袁世凱妥爲籌辦○諭我朝開國以來宗室人才蔚起超越前古凡屬宗室宜如何謹守家法增輝瑤牒乃近來風氣日趨浮靡其已登仕版者每多沾染習氣不思上進著宗人府宗令等傳諭各宗室務當力除積習爭自琢磨勉成大器其閑散宗室往往有不務正業日事游蕩甚至爲匪徒邪教煽誘肆意妄行者實屬有玷天潢殊堪痛恨並著該宗令等嚴加約束隨時察究如有自甘暴棄信邪爲匪者卽著從嚴懲辦毋稍姑容○諭近聞京城地面匪徒充斥搶劫之案層見迭出或竟並有不肖之宗室旗人混雜其間擾害地方亟應嚴拿重懲

著步軍統領衙門順天府五城各按地段嚴密巡查遇有搶劫之案務將匪犯拿獲訊明立即就地正法
卽宗室旗人有犯亦一律按法懲治毋稍瞻徇寬縱以副朝廷除暴安良之至意○丁卯諭軍機大臣等
那桐奏南漕運京酌擬變通辦法一摺漕糧積弊甚深值此時艱亟應改絃更張妥籌良法該侍郎所請
將江浙漕米徑運京倉酌擬辦法各條尙屬可行著戶部倉場侍郎直隸總督分別詳察情形妥定章程
奏明辦理其應修鐵路之處並著奕劻李鴻章酌核勘辦○諭軍機大臣等有人奏署任藩司昏庸貪惰
據實糾參一摺據稱署直隸藩司清河道高聯麟重聽健忘於地方公事向不經心初次接印卽索三家
銀號規銀專任其姪及幕友在外串合納賄賈缺城內外土匪劫盜毫不過問辦理交涉縱容教民任意
訛索各等語所奏如果屬實自應從嚴參辦著李鴻章按照原參各節確切查明據實具奏毋稍徇庇原
摺著鈔給閱看將此諭令知之○奕劻李鴻章電致 行在軍機處昨據德穆使照稱奉本國電諭德皇
擬乘本年華歷七月二十日大閱駐紮德國京師御林軍之便堪以接待醇親王並諭達知妥爲豫備俾
得遽程及時到柏林不誤等因現商令醇王整裝豫備一切 國書禮物均趕辦穆使面稱六月初五日
有德公司船自滬開行可搭坐約五月廿六七由京起程請代奏軍機大臣奉 旨奕劻等電悉醇親王
戰懼初次出洋一切言動諸宜謹慎飲食起居隨時調護並著張翼等悉心照料妥慎贊襄禮畢卽行回

國仍將外洋風土人情隨地留心體察而資閱歷○己巳以陳邦瑞爲工部右侍郎○諭軍機大臣等現在撤兵限期僅有十日究竟各國兵隊果如期全撤否觀見禮節如何定議迄未據奏教案續行議處人員亦未據商定擬奏當不至因此延宕又生枝節該王大臣膺此重任責有攸歸著卽迅速電覆其通商行船約章亦須及時妥議前有旨令盛宣懷會同商辦是否應在京會議抑在滬邀集洋商先行妥議並著妥籌電奏仍知照盛宣懷遵照又民教專約關係甚重而應趁此與各國會商定立妥協章程奏明通飭遵照以杜後患而固邦交○諭袁世凱電奏懇請回籍營葬情詞哀摯具見孝思惟山東地方緊要關係全局該撫勢難一日暫離務當勉抑哀思用資坐鎮一俟大局定後再行賞假回籍營葬該撫之母教有義方朝廷甚爲優許該撫更當感激奮發移孝作忠共濟時艱以副倚任○奏勅李鴻章電致行在軍機處賠款事務電發後次日德館參贊送來還款表查係自光緒二十八年起到三十一年止每年專付利十八兆自三十二年至四十一年止每年付本利十八兆七十八萬七千五百兩自四十二年至五十七年止每年付本利銀二十一兆四十五萬七千五百兩自五十八年至七十一年止每年付本利銀三十三兆七十四萬二千五百兩計四十四年共還本利一千零七十五兆五十九萬兩其數係逐漸加增而最重在後十四年再四籌思賠款一定年期必須按年照付絲毫不容短少論目前財力總以少定

賠數爲是利息本或騰挪年限以期少出利銀乃分五十年先付本後還利之辦法各使皆不謂然嗣續擬每年付本利二兆四十五萬餘兩四十年清還及每年付二十一兆五十年清還計本息總算俱不及九萬萬各使俱不肯允轉念不如照英薩使所言每年付本利二十六兆零三十年清還其本利約七萬八千萬有零總計所省息銀甚多惟以二十六兆較十八兆每年須多付銀八百萬當此財源匱竭卽厚興嘆何從籌此鉅款故使初雖曾作是語及後又以中國抵款爲難遂萌悔念於是而立此表前四年專收利息卽傑彌遜在江甯所構爲中國每年籌減六七百萬之說也或謂前四年專收利息自第五年至第十四年拔本太少在我喫虧利息銀太多各使則謂起初數少於中國最爲相宜如中國每年所籌實不能逾十八兆則可免籌款爲難如能每年多籌數兆既不須付出儘可另存生息亦備日後付款加多時之用並無喫虧前借英德債十年後方始拔本又稱海關稅抵償債最多時至每年二千四百萬加新欸利銀一千八百萬共合四十二兆此表所列新欸應付之數後十四年每年三十三兆爲數似多然屆時歸債大減以所餘之數撥付新欸合計每年仍不逾四十二兆並未令中國爲難所言似尙近理竊謂與其貪早完之省利而力有不及或以失信召侮何如稍寬年限使財力得紓日後中國能有轉機每年多籌數百萬金當非難事以目下情形而論添籌新欸實無把握釐金作抵各國尙多不願赫德構此表

有三款一抵款不須多籌可免動釐金二可免各國藉詞干預三由海關撥補係中國寶能拿出之款日本小村使稱各國政府訓條尚未到齊可否於下次會議時分還年限即照送來款表定議請酌核示覆抵款俟商定再聞乞先代奏 上諭軍機大臣等奏勸李鴻章江甯賠款一事每年二千六百萬中國既難籌抵足數則各國列表年限展寬十四年利息多至二萬四千萬勢亦不得不然該王大臣俟各國議覆到齊再與婉商如實不能磨滅只可照准至海關如何撥補如何指項作抵於中國利權有無窒礙並著妥確籌商電奏○奎順奏奴才於光緒二十七年四月初五日承准軍機大臣字寄三月二十六日奉 上諭據岑春煊電稱晉山後一帶謠傳蒙古四子王部落調兵仇教近以洋兵經過蒙兵開鎗擊斃力排解息事現歸綏道與教士商辦教案甫有端倪深恐蒙兵滋事致礙和局等語本日已電飭理藩院轉飭蒙古四子王將所部兵民妥為約束即著奎順就近認真查察毋任滋生事端是為至要將此由六百里諭令知之欽此欽遵奴才即劄派防禦凱英察罕托羅蓋軍台參領綢楚克那穆濟勒馳赴蒙古四子王部落認真查察去後茲據防禦凱英等查明稟稱奉劄後即於四月初六日兼程前往於本月十四日馳抵四子王旗先在於附近蒙民一再詢訪隨於次日謁見四子王據該王聲稱本旗原設防兵為數無幾去年夏間曾奉理藩院來文暨綏遠將軍來文檄令練兵備防在案茲復奉理藩院來文並都統衙

門委員又均以約束兵丁免滋生事端爲要自應遵照辦理惟本旗防兵僅有百餘名已照綏遠城將軍來文於四月十一日十二等日悉數遣撤際此和議方成所有兵丁自應嚴加約束斷不敢稍形疏忽以免滋生事端致礙大局至洋兵經過蒙兵開鎗一節查本旗防營左近駐紮並未遇見洋兵亦無開鎗之事再三詢問毫無異詞按諸衆論亦屬大略相同由該員等查明據實稟復前來奴才覆核無異得旨該衙門知道○癸酉奕劻李鴻章電致行在軍機處那桐出使日本應有國書該國向例索觀敕諭茲謹擬就國書敕諭照錄於下國書文曰大清國大皇帝敬致書於大日本國大皇帝陛下朕維中國與貴國同在亞洲海程密邇彼此遣使駐紮以來誠信相孚情誼彌摯乃上年五月京師猝遇拳匪之亂居民立訂貴國使館書記生杉山彬竟致被戕殞命該書記生隨使來華應獲保護之益不意變生倉猝遽能捐軀朕自維薄德未能先事預防致令友邦官員慘遭不測有傷睦誼彌切疚心業派大臣致祭並頒發內帑以示優卹茲派頭品頂戴戶部右侍郎那桐爲欽差專使大臣親齎國書前往貴國呈遞該大臣忠誠素著朕所深信特令敬謹將事表明惋惜之懷藉達優榮之典此次大皇帝遣師遠到京之日首先安民又於和議要端盡力維持特伸公論東方大局賴以保全義聞仁聲昭布遐邇朕心尤爲欣感並令該大臣代達謝忱惟望大皇帝盡棄前嫌益敦夙好好齒輔車之誼歷久彌親從此海

宇父安昇平同享惟大皇帝鑒察焉 敕諭文曰 皇帝敕諭頭品頂戴戶部右侍郎那桐朕維交鄰之道詳於古經遣使之文著爲令典矧在同洲之國尤切輔車之依茲因大日本國使館書記生杉山彬在京被戕朕心惋惜宜示優榮特授爾爲欽差專使大臣親辦國書前往呈遞務宜殫竭忠誠敬謹將事於一切交際儀文悉心經理勉副皇華之選益聯與國之歡爾其欽承朕命無負委任特諭請代奏軍機大臣奉 旨所有國書敕諭著准其照辦○己卯命王文韶爲國史館正總裁聖鴻璣副之○以鄭澗材爲廣東北海鎮總兵○癸未命蔡鈞爲出使日本國大臣○命許珏馳往廣東交陶模差遣委用○甲申諭軍機大臣等奕劻李鴻章效電悉日使西村醇親王使德回路經美登日本政府望旌節以日椿仲同洲和好之誼等語著照所請以重邦交英比如有此意兩請亦可准行卽由該王大臣隨時知照辦理仍一面電聞○諭朕欽奉 慈禧端佑康頤昭豫莊誠壽恭欽獻崇熙皇太后懿旨爲政之要首重人才開出洋華商子弟就近游學者頗多可造之才著各出使大臣留心察訪如有在外洋大書院肄業精通專門之學領有憑照或著有成書者准由各使臣認真查訪分別等第咨送回華由政務處奏請簡派大臣按其所學分門考試交卷後帶領引見聽候錄取予以進士舉人貢生出身俟將來著有實在勞績卽當予擢用所有考試章程及考取姓名籍貫年貌著分別咨送各該衙門查照該使臣等務當切實考選毋

件以並無實學者濫竽充數至使徒勞往返用副朝廷搜羅俊乂實事求是之至意○諭松壽電悉本年河南鄉試著緩至明年秋後舉行○以陝西員紳呈進書籍丁劉光霞等獎勵有差○內成奕謨等奏查勅州知縣官婦女常氏郭羅滿斯氏等請從優賜卹允之○許應鑾奏奉 命暫理船政將屆一年業能勉力支持何敢託詞諉卸惟 兼轄兩省政務殷繁加以申外交涉視昔倍增公牘之往來洋員之接洽幾無虛日悉心因應已覺昕夕不遑更兼籌船政深恐顧此失彼查船政款項專於閩關取給前經疊次題陳與其分之而仍待拖彼以注茲似不若合之而常備移緩以就急現 景星已抵福建將事任察其精力數倍於前而器宇恢宏才識明敏為平時所深悉若兼司船政當綽綽有餘且將軍事簡經理更為周妥可否請 旨飭其兼管抑或另 簡專員恭候 聖裁不勝迫切待命之至此 臣所以再三陳請者委非挾畏難苟安之見陶恩存肩竇欲殫竭愚誠於地方應辦各事專心區畫以自効於萬一倘蒙 俞允彌感生成嗣後遇有船政重大事宜仍當和衷商榷隨時相助為理萬不敢以派代有人遂置身事外也得 旨福州將軍景星著兼管船政○庚寅春煊奏 查查陝省議辦潞鹽加價一案經前任撫臣胡聘之奏陳加價之後必致私行官滯有礙綱銷懇請免辦嗣因陝省一再奏請奉准飭令會議復經前護撫臣何樞奏飭議陝省加價商力頗有難支惟陝省議辦既堅勉顧大局擬請每斤加價一文嗣

准部咨令轉飭河東道查照陝西原議將陝岸潞鹽每斤代收加價二文試辦二年俟一年之後再由該撫等察看情形如果二文加價實礙全綱即行奏減等因恭錄 諭旨知照前來當經前護撫臣飭令遵照試辦並將每名應收錢文酌中合銀徵收四十兩隨課封納及開辦月日咨部查照各在案茲據署河東鹽法道張毅轉據各商販呈稱潞鹽行銷三省皆係向稱疲滯惟以陝省為暢銷之區溯查陝岸前數年銷數每年每綱除額引一千三百餘名銷完外尙能溢銷省滯引三四百名至七八百名不等詎於上年三月開辦加價後每名驟增銀四十兩官鹽成本愈重不能減價敵私私販藉官鹽之不能減價更易巧施伎倆暢行其私愚民計較錙銖自不肯舍賤食貴以致官銷大滯商販率多虧累紛紛停運計自上年三月初一開辦之日起扣至二十七年二月底止試辦一年期滿陝岸閩綱共封引六百八十一名有奇較二十五年少封引一千三百五十二名有奇新增之加價銀兩反收二萬七千二百七十餘兩所虧之舊額正雜各課及海防經費管陝鹽斤另籌加價陝省鹽盤等項竟絀至二十三萬四千四百九十兩之多陝引行銷之滯庫缺短收之鉅實為從來所未有若不亟請裁免陝販以銷艱本重將恐承運無人潞課以引滯收微深慮日形減色將來已跌不振之後更難設法維持向則全綱恃陝岸為調劑今則全綱受陝岸之侵虧道庫應解之甘餉三批銀一十二萬兩因課項絀收不能及時報解惟有力懇裁免

加價庶可保額綱而維大局等情請奏前來臣查陝岸官引徵收之重轉運之艱私販之易前據臣屢於請免加價疏內詳切言之試辦以後如果大益於陝稍損於晉尙當通盤核計不分畛域無如飭令試辦亦已期年益於陝庫者不及三萬損於晉餉者竟至二十餘萬得失顯然非敢空言藉口且現奉電傳諭旨以籌備償款令設法整頓鹽務臣飭司道悉心核議力籌變通又訪之鹽寮考之案牘參之輿論皆謂減價敵私爲綱引暢銷之本各岸原來之價尙擬力求核減則新增之價更應亟議刪除陝省本有由晉代收鹽釐加價一裁銷若暢陝釐亦因之日旺竇於兩省交有所裨臣籌思再四惟有查照部文覈礙全綱卽行奏減之議據情籲懇天恩俯准將陝省試辦加價准予裁免以顧全綱下戶部議奏○辛卯吏部奏臣部前奏銓選章程一摺當經奉諭旨交軍機大臣會同六部妥議具奏嗣於四月二十二日接准軍機處鈔錄原奏摺片並奉旨派出御史如格陳鼎監察臣部清釐檔卷等因一併恭錄諭旨咨行前來臣等詳譯會奏全摺復奉聖明指示仰見朝廷嚴剔宿弊慎重銓衡之至意伏查臣部案卷繁多前以有關銓選各冊檢查尙無殘缺是以奏請開選現復欽奉諭旨飭令一面查冊一面擬定開選月分奏明請旨自應欽遵辦理臣等當卽遵派得力司員將有關銓選各冊運至柏林寺公所業由欽派御史監同逐一清查計四百一十八本訂立總簿分晰註明卽擬於六月內遵照會奏辦

法凡北京西安投供應人員一體歸入月分按班銓選此外如會奏所稱電知各省並取結認識補行投供以及有關缺分文件仍照出咨日期到京定限扣算各案均一併遵照辦理俟此摺奉 旨後軍部即行開選庶銓政不致久稽即報捐各生亦不至因開選無期觀望徘徊致捐輸反多窒礙至各項案卷實屬繁瑣儲存衙署勢難盡數挪移擬俟衙署交價即飭司員隨同 欽派御史逐一清查另立總簿分別存失詳細註明此後即責成派出之員親身分管一俟詳查完竣再行專摺具奏 旨如所議行○壬辰諭軍機大臣等有人奏呂本元在畿南剿匪不分良莠所部兵勇肆行搶掠民不聊生請飭查嚴禁以拯遺黎或改派宋慶所部辦理畿南剿撫事宜等語畿南拳土各匪自應分別良莠剿撫兼施當此民間鼎沸蹂躪之後豈可復加擾害著李鴻章迅即查明情形嚴飭呂本元申明軍律責成嚴明各官嚴禁擄掠分別剿撫以安閭閻如果呂本元約束不嚴即著改派宋慶赴畿南妥為剿撫以期得力並著代譯其奏○甲午諭松壽奏已革知縣虧缺未完潛避無蹤請飭拿辦並將家產查封備抵一摺河南已革光山縣知縣林樺藩本任交代虧短正雜等銀八千九百餘兩嚴催未解竟敢乘間潛逃實屬膽玩已極著交部議處及各省督撫一體查拿解豫照追究辦並著許應駟松壽先將該革員原籍家產並應過任所資財嚴密查封備抵以重庫款而儆效尤

六月內申命候補知府許台身充出使朝鮮國欽差大臣副都統廣昌充出使德意志國欽差大臣○口
供增祥爲陝西按察使○戊戌陝東舉松奏臣伏讀光緒二十七年四月十七日欽奉 慈禧端佑康頤昭
豫莊誠壽恭欽獻崇熙皇太后懿旨爲政之道首在得人況值時局艱危尤應破格求才以資治理允宜
敬遵 成憲照舊學鴻詞科開經義特科於本年會試前舉行天下之廣何患無才其有志慮忠純規
模闡達學問深通洞達中外時務者著各部院堂官及各省督撫學政出具放語同行保薦並著政務處
大臣擬定攷試章程請旨辦理朝廷拔興自度母予一心嚮往日之短尤需賢才以輔治爾諸臣當謹加
選取各舉所知共濟艱難以維邦本使中興人才之盛再見於今則深宮所嚮求之者也欽此仰見我
皇太后 皇上求賢若渴其濟時艱之至意莫名欽感各部院堂官及各省督撫學政公忠體國具有
天良自能恪遵 諭旨謹加選取本無俟臣之贅言惟是近來風氣狃於黃緣積習遞事鑽營各大臣等
稍未能破除情面每至選辦曲徇濫竽充數此次恭逢 特開典典各士子等良莠不齊其不知自愛者
雖保不多方販緣以圖僥倖保薦者或礙於情面稍涉寬濫則將來攷試必致百弊叢生有名無實以
朝廷之盛典爲若輩之終南殊負我 皇太后 皇上拔取真才實事求是之至意臣愚昧之見擬請
旨飭下各部院堂官及各省督撫學政務須破除黃緣積習採訪輿論斷以真知灼見果係物望素孚確

有實學者方准專摺奏保其稍涉奔競干進者皆屏弗錄將來卽以所保之是否得人定各該大臣等之功過至各士子等應由各該大臣等諭以急當自濯磨重加愛惜以期仰副 聖朝破格求賢之主意

上諭御史陳秉松奏保薦經濟特科請飭破除舊緣積弊以端士習一摺此次欽奉 懿旨舉行經濟

特科原期拔取真才以濟時艱豈可仍袒舊緣積習瞻徇保薦濫竽充數致負朝廷求治作人之至意著各部院堂官及各直省督撫學政於保送時虛心採訪果係物望素孚確有實學者方准奏保如有心術不正及營謀干進者卽使材藝可觀亦曷足取該大臣等當深維以人事君之義嚴杜請託力挽頹風以所保之是否得人定其功過毋得濫保非人自干咎戾將此通諭知之○己亥崑岡奏續查殉難官員德潤和桂均等請從優賜卹允之○庚子諭禮部奏萬壽禮儀一摺自乘輿播遷以來 宗社 陵寢典禮闕如北望觚榑倍深感觸況我 聖母皇太后蒙塵在外寢饋未安俯念時艱憂勤靡已上年 萬壽聖節曾 諭令停止一切典禮今朕生辰尙復何心受賀是日朕恭詣 皇太后前行禮後卽御便殿王公百官按班行禮所有筵宴一切典禮均著概行停止該部卽遵諭行○諭軍機大臣等現已屆六月各國之兵究竟何時撤盡京使館留兵若干天津及沿途洋卡各留兵若干著奕劻李鴻章查明具奏○辛丑諭軍機大臣等奕劻李鴻章現在和議已定公約何日畫押著卽電聞以慰廑系○奕劻等奏查上年

拳匪肇亂畿輔各屬同遭蹂躪焚燬教堂傷害教民之案無處無之京城既撥恤款並將教堂賠款與各教士商允歸入大賠款之內而順直各州縣議賠恤恤皆須就地籌捐其久困洋兵及民力萬難籌足之處流亡未復難撫俱窮情形尤爲可憫不得不分別辦理以紓民困經臣等飭令周馥等與教士熟商除撫恤教民之款應仍由地方自籌外將各州縣教堂賠款剔出若干一併歸入大賠款之內綜計京內外議定天主耶穌各教賠款已歸大賠款之數共銀三百三十萬零零九百七十七兩其尚有數處未經議定者爲數無多俟議定再行續報該司道開單會詳前來臣等覆核無異理合照錄清單恭呈 御覽得旨覽○癸卯諭從來設官分職惟在因時制宜現當重定和約之時首以邦交爲重一切講信修睦尤賴得人而理從前設立總理各國事務衙門辦理交涉雖歷有年所惟所派王大臣等多係兼差恐未能殫心職守自應特設員缺以專責成總理各國事務衙門著改爲外務部班列六部之前簡派和碩慶親王奕劻總理外務部事務體仁閣大學士王文韶著授爲會辦外務大臣工部尚書瞿鴻禨著調補外務部尚書授爲會辦大臣太僕寺卿徐壽朋候補三四品京堂聯芳著補授外務部左右侍郎所有該部應設司員額缺選補章程並堂司各官應如何優給俸稍之處著政務處大臣會同吏部妥速核議具奏○甲辰以張百熙爲工部尚書呂海寰爲都察院左都御史○諭現在總理各國事務衙門已改爲外務部

特設專官簡派重臣其前在該衙門行走崇禮桂春那桐溥興均著毋庸兼差○諭前因各直省辦理交涉事務殷繁特令各將軍督撫均兼總理各國事務衙門大臣之銜現在該衙門已改各將軍督撫著毋庸兼銜惟交涉一切關繫繁重皆地方大吏分內應辦之事該將軍督撫等仍當加意講求持平商辦用副委任○乙巳調轉寶華爲戶部右侍郎李昭煒爲兵部左侍郎○戊申電 諭奕劻李鴻章劉坤一張之洞等前後論俄事各電均覽悉二月初間中外諸臣愈言俄約一成卽起瓜分之禍朝廷熟思利害不得不爲停辦此事勢之當然本無所容其成見乃自是之後李鴻章誤以畫約爲劉坤一張之洞所阻至有江鄂爲日人所愚之言劉坤一張之洞又以李鴻章爲偏執已見亦有全權爲俄人所愚之言彼此猜疑負氣爭論究於國事何補該大臣等受恩深重上年共扶危局各著勤勞方深倚賴國步至此同心戮力猶懼不濟何忍自相水火貽笑於人父見笑外人平心而論李鴻章身處其難原多委曲然時有不受商畧之失劉坤一張之洞慮事固深而發言太易亦未免責人無已要之俄約自難全廢終當設法改訂俄人交還東三省若仍奪我兵機利權名還而實不還害豈可冒且各國起而效尤則內地之禍何堪設想必須乘公約既成之際向俄使商定前約婉與磋磨並卽照會各國公使請爲公議便可詢問關東撤兵日期以觀動靜若能將東三省許各國通商得互相牽制之益庶幾根本之地可保全局亦安應如何辦

理之盛著黃成奕劻李鴻章趕緊籌商務臻妥籌速行具奏劉坤一張之洞有會辦之責亦不准置身事
外特此開誠申諭該大臣等同一竭忠謀國務各捐除意見和衷經畫挽回氣數其濟艱難實有厚望爾
功爾過不能逃朝廷洞鑒也○己酉奕劻李鴻章電致 行在軍機處語電 旨諭燕京城地面各國已
陸續交出俄美兵除留護使館外餘早撤盡英德日本亦撤過半保定保有法兵未撤開各國現存在京
兵隊望後可再撤三分之一俟西安 啟蹕再撤二分之一俟由河南 回鑾即全數撤退彼等撤兵向
不知照撤去若干即問亦不以實告總辦看運船多寡陸續撤去其各使館留兵現無確數開統計約在
二千內外天津及沿途洋卡每卡約三百共計不逾二千屢經訪詢均稱 回鑾早則撤兵速遲則更多
觀望請代奏軍機大臣奉 旨著電覽悉殊堪詫異據稱京使館留兵二千核與該王大臣前奏使館留
兵共計僅數百名之語大相懸殊即天津及沿途留兵之數亦多至萬人回鑾所以慎重者本因公約未
准洋兵未撤之故乃該王大臣於畫約遲早全未奏及昨經電詢始云不再准約前據稱撤兵日期有六
月內全撤之語今又云由河南回鑾始行全撤亦屬前後兩歧宵旰憂勞無一日不繫念於此該王大臣
此奏獨不爲朝廷設想於心安乎○諭李鴻章奏知縣殉節懇恩賜卹一摺直隸靈壽縣知縣成盛廉恪
守官箴夙懷忠憤本年二月間見大局防危地方蹂躪職司守土無力恢復誓以一死報國洵屬從容就

義大師凜然成峯牌著照知府例從優賜卹並加恩予諡於死事地方建立專祠事蹟宣付國史館立傳以彰忠節該衙門知道○壬子諭朕欽奉 慈禧端佑康頤昭豫莊誠壽恭欽獻崇熙皇太后懿旨翰林院侍講學士朱益藩等奏滬陳江西水災情形請飭迅籌賑濟一摺據稱江西贛州吉安撫州饒州等府自本年五月初間大雨旬餘江流暴漲堤防坍塌甚多省河水漲至二丈有餘義寧等州縣城內水深丈餘廬舍人民禾稼牲畜漂流不計其數請飭迅速散賑等語江西此次猝遭水患民間蓋藏本少早稼又未收穫悉被淹沒災區較廣昨據李興銳馳奏率屬捐賑賑恤誠恐不能救濟深宮軫念災黎殊深憫惻當頒發內帑銀五萬兩交李興銳核實散給並著察看情形多方籌賑迅速接濟毋任一夫失所○辛酉奕劻李鴻章電致 行在軍機處和議大綱佳電聲明最要只賠款禍從兩端十五日據各使照會附送還款表一紙前五年除付利外每年帶還本不及百萬嗣後按年遞加至三十九年止通共還本利九百八十二兆二十三萬餘兩較從前各表所省尚多所指抵款仍如前電馳課盤金並常關進項餘剩之新關各稅及進口稅切實值百抽五並免稅各貨酌量照徵內惟常關應歸新關管理此外並不干預惟知目前財力艱窘允緩半年付利由西歷明年正月初一日即華冬月廿二起照付仍將此半年恩銀分三年帶付此外詳細節目正在推敲至外省禍從專屬英法兩國催據該使核定送到內有輕減者即日續

摺單馳奏務求早降 明諭惟奉電 旨催令督辦臣等派員催詢已可就軀昨德使穆默來臣鴻章寓
密商將前後所議已定未定各款用洋文臚列擬成一約據稱各使意見不一宜再立約以整齊之以免
撤兵遲誤內惟禁軍火通商行船兩款尚未議及伊等以運進軍火暫停二年通商各事頭緒繁多非目
前能定惟吳淞口天津海河淤淺過甚必須中外合力集資修濬此當載入約內伊等擬再會聚一次即
定稿互商再押此押一書各國訂於七月初二以前將京城洋兵除留護使館外餘俱撤淨合先詳細奏
聞仰慰 聖慮請代奏 上諭軍機大臣等奕劻等得電悉惟吳淞口天津海河係天然攔沙並非淤淺
此等本不在原約之內自應另與磋商不得混入此次約內且查薩使前遣傑補遜赴江鄂時據劉坤一
來電言傑曾面稱如能將吳淞淤沙許彼開通即加稅值百抽十二五亦未嘗不可商辦等語是開沙於
彼大有利益於我有無窒礙更應細酌辦理著奕劻李鴻章即據此向商妥籌另議為要

光緒一百六十八

臣朱壽朋敬編

臣張毓英恭校

秋七月甲子朔諭前擇七月十九日回鑾早經降旨宣示朕侍奉 聖母皇太后無日不瞻 宗社北望 思歸方擬依期啟鑾早紆 慈念乃昨據升允奏稱關中秋熱較伏暑尤甚大雨之後泥淖彌旬懇請展 期回鑾並代奏陝西全省紳民籲懇俟大時涼爽再行啟蹕庶萬乘之重不致冒暑過征等語復據松壽 奏稱本年夏令積雨連旬河水驟漲踰路多被衝毀靈寶閭鄉等處深溝一綫之路山水暴注尤屬危險 泥深數尺節節阻滯鞏縣行宮現因洛河漫溢工程亦有損失刻正設法趕修因思七月間秋熱方甚六 飛在道實非所宜懇恩將回鑾日期改至八月節後秋高氣爽較為安適一摺該撫等所奏查係實情不 能不加審慎沿途行宮前已有旨力從簡略即或備辦未齊原可遷就惟山溝險窄積潦未退勢難暢行 且秋陽正熾溽熱蒸蒸 聖母高年方資衛攝值此愛勞靡暇尤宜保重起居若長途跋涉逐暑過征揆 諸敬養之道朕心萬不能安即天下臣民之心亦必不安再四籌維竊懇 慈恩勉從該撫等所請准改 於八月二十四日恭奉 慈輿啟蹕回京所遲不過月餘一切較為妥慎著遵照辦理將此諭令一體知

悉各該地方官仍屆期敬謹預備○諭朕稟承 慈訓以躬行節儉爲天下先我 聖母皇太后平時節用愛人無微不至上年駐蹕關中宮廷服御之微尤無一不極從簡省地方每日供億皆有定數諸事撙節力祛糜費卽此次啟鑾回京沿途行宮供張早經傳知屏除華麗帳褥絳綢之屬均飭毋庸備辦自上用以至內監人等所需車馬數目皆開單親自裁核極爲減少 聖慈愛惜物力庶念民艱至於如此凡爲大小臣工更當觀感興起各從儉約庶幾上下交儉返樸還純至將來蹕路所經一切用費准撥正欸原不至擾累民間惟修治道途等事現恐損及田禾有勞民力朕仰體 慈懷深加軫惜允宜特沛恩施所有陝西河南直隸各地方凡係蹕路經行之處應徵本年錢糧著加恩豁免如有業經徵收者准其留抵來年正賦各該督撫卽飭藩司刊刻謄黃先期頒行張貼俾衆咸知務期實惠及民毋任吏胥舞弊用副朝廷巡狩省方子惠黎元之至意將此通諭知之○欽奉 慈福端佑康頤昭豫莊誠壽恭欽獻崇熙皇太后懿旨自上年駐蹕西安倏將一載該省民風質樸荒旱以後民困未蘇迭經頒發巨帑源源賑濟現已霽得透雨可慶有秋惟目前生計尙屬艱難深宮實深慮念茲值回鑾伊邇再行特沛恩施著頒給內帑銀十萬兩交升允酌量散放俾沾實惠以恤窮黎○乙丑諭漕政日久弊生層層剝蝕上耗國帑下戕民生當此時勢艱難財用匱乏亟宜力除積弊遂加整頓自本年爲始直省河運海運一律改徵

折色責成各督撫等認真清釐節省局費運費等項悉數提存聽候戶部撥用並查明各州縣向來徵收
浮費責令和盤託出悉數歸公以期彙成巨款仍令該督撫將提存歸公各數目先行具奏至倉場關係
緊要既經改折自應接石籌備訂定辦法所有採買運解收兌儲備各章程及到倉後應如何責成嚴防
弊竇之處著漕運總督倉場侍郎分別妥議統限於兩月內覆奏毋稍遲誤將此通諭知之○奕劻李鴻
章電致 行在軍機處頃俄使派員來稱昨晚接其外部覆電先商三端一現奉旨有議論東三省之權
一議定書押之先不得使他國人預知此事一兩國定約均係甘心自願所商量所答應之事不聽他國
指使以上三條請辦一機密照會然後開議等語臣鴻章面告以此須請 旨遵行惟原約今昔情形稍
異如第八條賠兵費九十條鐵路賠款均應在各國公約賠款數目之內第四條禁軍火入滿洲應照各
國公約訂限兩年均須酌量刪改東三省盜匪蔓延應准添設兵隊必須另議該國不得以訂約在先不
准商改彼允先覆格使知照至前奏願電照會各國公議謂可互相牽制向例兩國議約無轉商別國者
故冬春屢奉 電諭未敢照行卒致英日勒阻遂作罷論俄人至今引為恥辱今日再議及此必致永遠
決裂又電所陳公約大意各使均以挑撥吳淞口天津海河淤沙為和議大綱十一款通商行船事宜
最要之件不得謂其不在原約之內惟所擬挑撥吳淞章程極歸眾商實難照辦若剔出另議公約必不

能成傑爾遜前議開沙即可加稅薩使謂本無此意傑言斷不可信請代奏 上諭軍機大臣等勘電悉據稱俄使須辦一機密照會三條然後開議細思實有難行所謂兩國定約均係甘心自願所商量所答應之事不聽他國指使一節是未經開議先須立一甘心自願憑據萬一有斷不能允之事何以處之即排押之先不得使他國人預知我國自不以此事告知他國然安能禁他國人不知各國方揚言俄謂中國自願與之定約如此是更與各國以口實矣俄國方向各國宣言不佔中國土地若惠顧得好能將前約改訂我所挾感惟必須不奪我兵權及地方自主之權方為妥協自然心甘至前約於東三省鐵路礦產商務利益有不得再允他國之語此層尤為棘手各國所出而爭論者必即在此若經應允俄國則各國必將效尤禍患之至不可言矣中國固不足以當俄又豈能當各國此中關係緊要該王大臣深為朝廷倚賴務須與俄使婉切商辦妥定約章使各國不致有辭則俄國之保全中國者實大不僅來電所指數條須有商改也至挑潯海河淤沙先時原來議及今既謂在通商行船款內應即歸入商約緩議辦理仍早定公約為要○論張之洞奏特參已革知縣鴈短正款逾限未繳請飭嚴追並將家產查封備抵已故前任湖北安陸縣知縣王立勳虧短錢糧等項共銀三千六百餘兩之多屢催未解竊屬延玩已極著張之洞查明該故員家屬是否回籍有無資財寄頓勒限嚴追並著安徽巡撫將該故員原籍家產嚴密

查抄備抵以重庫款而微效尤○丙寅諭禮親王世鐸著開去軍機大臣差使仍補授御前大臣○升允
奏去秋各軍糧 踴西行經岑春煊奏明飭沿途各屬州縣設局平糶以恤兵艱奉 旨允准在案茲查
秦豫一帶雖已甘肅糧價仍復昂貴且值大差過境商民不免擡價居奇兵丁購食維艱似宜設法
酌劑擬請援照去年辦法飭沿途各屬州縣就地採購糧料柴草由官設立平糶局價值均按時價酌減
專供糧 踴各軍購用其減價之數無所取價准由該地方官作正報銷如蒙 俞允再由奴才分別遵
行俾得先期備辦得 旨著照所請該部知道○己巳諭上年拳匪肇亂京畿一帶多被擾害以致各省
人心煽動焚燬教堂傷害教士教民之案層見疊出朝廷屢降諭旨勒令妥為保護乃地方官奉行不力
致釀事端業經擇要先行懲辦五十六員在案茲據奏劄等具奏請將情罪較重者十員及查明更正各
員再行宣示並將全案議結續懲各員一併開單呈覽前來盛京副都統管昌巴彥蘇蘇統領鄂英湖南
衡永郴桂道陸文浙江金衢嚴道鮑祖齡山西汾州府知府徐繼儒忻州知州徐桂芬署歸化城同知郭
之樞和林格爾通判毛世勳署托克托城通判李恕著寧遠州通判沈榮綬均著定為斬監候罪名貸其
一死發往極邊充軍永不釋回樊恩慶李鳴和查明實係錯誤著卽更正以李恕沈榮綬抵罪直隸武邑
縣知縣俟查明後仍定為斬監候罪名發往極邊充軍永不釋回山西歸綏道鄭文欽業經正法浙江衢

州城守營都司周之德山西陽曲縣知縣白昶均著勒立決白昶尙在脫逃仍飭嚴拿正法浙江衢州鎮
總兵喻俊明山西隰州知州崔澄寶曲沃縣知縣王廷英孝義縣知縣姚學康壽陽縣知縣秦錫圭均著
革職發往極邊永不釋回黑龍江副都統鳳祥業經發往極邊著加永不釋回浙江布政使榮銓著革職
發往極邊直隸灤平縣知縣文星著改爲革職發往極邊永不釋回浙江巡撫劉樹堂著革職永不敘用
飭令回籍仍交地方官管束倉場侍郎長萃呼蘭城副都統倭克津泰直隸大名鎮總兵王連三景州知
州洪壽彭元城縣知縣王錦陽南樂縣知縣瑩英河南署南陽鎮總兵尹嘉賓鄆州知州湯似慈浙江衢
州府知府洪思亮湖南衡州府知府裕慶清泉縣知縣鄭炳山西歸化城副都統奎成澤州府知府陶家
驊潞城縣知縣堯程高平縣知縣于岱霖山東恩縣知縣秦應達夏津縣知縣屠乃勳江西按察使陳澤
霖南豐縣知縣鄧嘉猷南城縣知縣翁寶仁均著革職永不敘用河南河北道岑春榮武安縣知縣陳世
偉江西吉南道涂椿年山西陽縣知縣孔繁昌四川名山縣知縣盧鼎智均著革職河南南陽縣知縣
袁福齡業經革職應毋庸議縣丞李若仙卽李承濂著卽斥革已故直隸總督裕祿駐藏大臣慶馨均著
追奪官職直隸清苑縣知縣張丙詰業經革職著加永不敘用大名縣知縣苗玉珂著改爲革職留任山
西太原城守營石鳳岐著改爲革職永不敘用長子縣知縣恩順著改爲革職塔拉特王著革職查辦阿

拉普王中喀爾王均已傳旨申飭山西太谷縣知縣胡德修河津縣知縣黃廷光均查未在任大寧縣知縣曹季鳳情有可原均著免議又續議懲處單開各員奉天國長常志德著發往極邊永不釋回晉山西大同鎮總兵楊鴻禮太原縣知縣何宗遜署寧鄉縣知縣郝振麟代理岳陽縣知縣劉榮輝署榆次縣知縣呂繼純太原武官馬得勝四川邛州知州李常需直隸望都縣知縣嚴信烈河南西華縣知縣林廷庭周家口通判汪垣均著卽行革職永不敘用陝西都司郝殿魁徐大田劉輔年把總楊緒林武弁張金聲浙江舉人鄭永福貢生鄒錫從九銜羅道楚江西進士黃熙祖舉人謝甘棠廩生鄒緒林湘巨林茂修廩明生梁飛鵬張文蘭武舉單炳燧監生梅紫清武生李太和單寅麟廷傑單步鼐著一併斥革直隸王孝村紳士左洛荅已革貴州武員羅芳林均著監禁四川建昌道王季寅雅州府知府李念茲著雅州府知府王之間均著革職留任江西贛南鎮總兵何明亮清江縣知縣石守謙上高縣知縣文聚奎河南涉縣知縣車均四川敘州府知府文煥宜賓縣知縣王殿甲瀘縣知縣王瑚雙流縣知縣龔寶琅均著撤任江西吉安府知府許道培浮梁縣知縣任玉森均經撤任毋庸再議衡州府知府曾培祺著撤任改發他省差遣貴州思南府知府張濟輝龍泉縣知縣繼文四川崇慶州知州陳兆棠崇寧縣知縣陳鼎勳南部縣知縣袁用斌大足縣知縣趙綏之均著開缺離省鄂縣知縣黃樹勳溫江縣知縣周慶壬均著停委二年

奉天遼陽州知州陳衍庶著改爲革職留任河南南陽府知府傅鳳慶及蒙古十一員均俟查明再行辦理又山西太原府知府當時實係曾樹椿並非許涵度應改爲曾樹椿俟查明再予懲處許涵度應卹免議該部知道並將此通諭一體周知○諭胡廷幹兩次電奏山東黃河漫決請將在事各員分別懲處並自請議處等語山東黃河因本年豫陝一帶入夏水漲該省亦連經大雨山水暴發勢若建瓴六月二十四日南岳章邱縣境陳家壩大堤漫溢決去數十丈北岳惠民縣境之楊家大壩又復漫決成口在事各員未能先事防護實屬異常疏忽亟應予以懲處督辦三游河工山東按察使尙其亨總司河防駐工督辦是其專責總辦下游上段河工候補道何國禔提調候補直隸州知州任嘉斌均有統轄兩岳之責卽著併案交部分別議處仍留工自贖南岳承防委員候補知縣王希賢候補典史董賡均著革職不准留工管帶河防營參將龔廷魁哨官外委寇鴻英均著先行革職枷號河干不准留工北岳防汛委員候補知縣湯炳南縣丞陳濬源均著革職不准留工管帶河防營補用參將宿廷慶哨官都司王春才均著先行革職枷號不准留工仍著查明誤事確情據實從嚴參辦以昭炯戒不准稍涉徇隱袁世凱尙在假假期內胡廷幹離任未久所有自請議處之處均著加恩寬免仍著該撫等督飭在工員弁趕緊堵修務臻穩固毋得再有疏虞致干重咎該部知道○辛未楊儒電致 行在軍機處儒自三月間乞假赴德就醫數

月以來肢痛雖減而左半麻木如前步履艱苦稍一用心則神思散亂西醫力勸靜攝且勿回俄緣水土寒濕難冀速痊更慮增劇惟假已三月不敢久離境外業於二十八日扶疾回俄竊以中俄交涉喫緊決非病軀所堪勝任況儒去國九年差期兩屆去春 旨派桂使吏代業經俄允接待卽使另派亦可循例知會外部彼見儒病狀想不致故意拘執務祈俯鑒衰疾速簡替人俾早內渡至新任未到以前仍當力疾視公以慰 宸廑而重職守軍機大臣奉 旨據楊儒電奏病難速痊請簡員接替等語駐俄使臣關係緊要著奕劻李鴻章詳慎遴選秉公薦舉並先與俄使商允接待奏請簡放以重使命○癸酉命琦璋爲科布多幫辦大臣○甲戌李鴻章奏 旨前以臣民仰望 回鑾和議漸有端緒惟直隸兵燹之餘民窮財盡 六飛所臨橋梁道路行輟驛館皆須創建實難措手電致甯蘇皖贛浙粵蜀楚湘魯等省各籌借銀兩分期匯滙來直以供應用仍自明年起分十年由直勻還旋准各省電覆廣東湖北江蘇浙江江西各認借銀十萬兩安徽四川湖南各認借銀五萬兩山東認借銀三萬兩共銀六十八萬兩照限分解電撥前來內惟湖廣督 臣張之洞續電內稱前項銀十萬兩請作爲湖北省大小官員公捐報効不敢仰邀 額敘等情 臣查直隸困窘情形久在 聖明洞鑒今湖廣督 臣張之洞首倡捐廉濟助急公奉上具見忠忱雖稱免邀議敘未便遽於 上聞應否照數核給獎敘之處伏候 聖裁得 旨張之洞等著戶部核

給獎敘餘依議○丙子召長庚來京以馬亮為伊犁將軍○諭鑄造銀圓與制錢相輔而行較為利便必須明定章程先由京外各庫收放各項內搭成行用昭示大信方可推廣暢行近年各省所鑄銀圓惟廣東湖北兩省成色較佳沿江沿海均已通行應即就該兩省多鑄銀款源源鑄造即應解京餉亦准酌量撥作成本仍以每圓庫平銀七錢二分為準並兼鑄小銀圓以便民用報解京餉准其搭用三成所有鑄造餘利將數覈實充公此外各省並可附鑄不必另行設局亦准搭解京餉各省徵收錢糧稅釐概准其以銀圓搭用三成完納各州縣解省道等庫各省關解部均按三成搭收一切支發俸餉等項亦准按三成搭放仍嚴禁吏胥刁難挑剔諸弊務使收發一律毫無畸重畸輕自可逐漸暢行俟通行後再行按成遞加以期行用無阻番戶部及各直省一體遵照辦理並著廣東湖北各督撫嚴飭局員多擇良匠加意鑄造務令成色絲毫無爽力求精工如查有參差不齊之處即將經營之員嚴參重懲其認真考覈有利無弊者酌加獎勵所有動撥出入款項及每月鑄成銀圓數目仍按季報部查覈以昭慎重○諭張自熙奏整頓事綱分別舉劾一摺據稱升任御史陳璧才識優長明達治體前管理京城街道時論議然去秋巡視中城嚴緝盜賊地方安堵請嘉獎錄用等情陳璧辦事認真不辭勞怨朝廷業經不次擢用仍著傳旨嘉獎巡視東城寧湖廣道監察御史閻錫齡習於黃緣有虧名節巡視南城寧江西道監察御史鄭炳

麟交結非人頗滋物議該尙書請撤差察着不足蔽辜均着卽行革職另片奏翰林院編修馮恩親身列
詞林不知自愛並有肆意妄爲魚肉平民情事馮恩親着卽行革職現充雲南副考官無論行抵何處卽
行撤回該尙書此奏洵能破除情面舉劾大公深堪嘉尙嗣後各衙門堂官皆當隨時考察激濁揚清以
肅官常而昭懲勸該部知道○諭軍機大臣等各省制兵防勇積弊甚深耗餉頗鉅歷年疊經降旨飭令
認真汰弱留強力杜虛冒著各督撫悉心規畫核實整刷所有各省原有之綠營防勇均限於本年內裁
去十之二三及上年有事時添募之勇營亦一併酌量裁撤以免虛糜並將遵辦情形於兩月內覆奏○
奕劻李鴻章奏據領銜日國使臣馬絡幹三月初一日照會內開諸國使臣會同 覲見 皇帝必在
太和殿其一國使臣單行入 覲者必在 乾清宮使臣呈遞敕書或國書必派 御輿暨應有之侍衛
前往使館並參隨各員同迺至 覲見之宮禮成後一體送歸使臣齋奉國書必由各中門行走 皇帝
必親手接收國書諸國使臣至 宮殿階前降輿備設宴款待必在 乾清宮 皇帝必躬親入座各禮
節必與自主平等大國成規相符等語臣等查 覲見一事因中西體制不同各國使臣動援西例相衡
以爲相形見絀三十年來爲此事彼此辯駁迄未能定今乘聯軍大勝之後請將禮節更改固係有挾而
求然各國既有成規則所言亦非盡無禮祇可就其難行者力加駁阻爰指出礙難照辦者四端一使臣

會同 觀見必在 太和殿一使臣呈遞國書須派 御與迎迓一使臣 觀見在 宮殿階前降輿升
輿一設宴必在 乾清宮 皇帝躬親入庵一面備文照覆一面與各使公推承辦 觀見禮節之美國
使臣柔克義日本國使臣小村壽太郎竭力磋商三月二十三日又接為絡幹照會但允將會同 觀見
改在 乾清宮而輿用黃色在 宮殿階前降輿仍不肯改至設宴一節據稱各使並無必請 賜宴之
事臣等復以輿色中國祇有 皇帝用黃諸王公大臣皆用綠各國使臣入 觀時由內務府備派綠呢
大轎迎送已足以昭隆重若乘坐黃輿未免駭人聽聞礙難轉奏又降輿升輿一節中國向來體制王公
大臣均在 東華門外降輿惟 賞紫禁城內乘坐肩輿者方能乘椅輿至 景運門各使既請均在
乾清宮 觀見入 宮之路必由 景運門應仿中國王公大臣 特賞紫禁城乘坐肩輿之例於進
東華門後換坐椅輿至 景運門停下較為相宜備文照覆旋聞英國使臣薩道義噴有煩言謂照覆詞
氣不甚和平意將痛加駁斥臣等佯為不知彼亦竟置不答繼思 回鑾遲遲 觀見禮節必須早日商
定戶部右侍郎那桐奏出使日本之 命小村壽太郎頗與聯絡因屬其於酬應之便婉曲熟商計以綠
輿加用黃繡小村允與各使商酌臣等復又辦給照會大意以日後或有國王及太子等來京必須預留
區別地步敘明輿加黃繡下轎可在 景運門外五月十七日據日使為絡幹照覆輿加黃繡各使遵允

惟降輿請改在 乾清門外等語 臣等復又備文商酌改爲至 景運門外換坐椅轎至 乾清門外階
前降輿略示通融以期就範茲據日使攬轎各使視以爲然等語自應就此定議竊思歐美各邦咸以遣
使聯交爲重轎車來往絡繹於途將命呈報依文必洽興戎出好消息可以徵參上年啟釁之端矣其於
攻圍使館是以此次各使必欲將 親見禮節乘機更改使積年所不能請者一旦遞准雖核諸西國故
使之儀未必盡爲過當而揆諸 天澤堂廡之辨豈能每事曲從 臣等設法從磨歷時至數月之久始將
乘坐轎輿及在 太和殿 親見暨 宮殿階前降輿三節酌議改易其在 乾清宮設宴一節 賜宴
與否既可不拘自應暫從緩議遇有應行設宴款待者統由外務部出名不宣 賜宴各使當無可挑剔
也得 旨如所議行○丁丑電 諭奕劻李鴻章公約業已定議即行畫押○諭朕欽奉 慈禧端佑康
頤昭豫莊誠壽恭欽獻崇熙皇太后懿旨據盛宣懷電稱李鴻章月初甚病近日稍愈等語覽奏殊深慮
系該大學士公忠體國勞瘁不辭現值時勢艱難專賴匡扶危局尙其爲國自重加意調養俾得早日就
痊以釋垂念○諭販運軍火木干例禁乃通商口岸商人往往借官買爲名私運私售近來土匪不靖亟
應嚴申禁令以杜亂萌著各省將軍督撫暨各關監督先於兩年內將所有外洋軍火器料一概不准販
運進口該部知道○戊寅諭都察院左都御史何乃瑩著卽開缺○前臺灣巡撫邵友濂卒賜卹如例○

已卯諭科舉爲掄材大興我朝沿用前明舊制以八股文取士名臣碩儒多出其中其時學者皆潛心經史文藻特其緒餘乃行之二百餘年流弊日深士子但視爲弋取科名之具勦襲庸濫於經史大義無所發明急宜講求實學挽回積習況近來各國通商智巧日闢尤貴博通中外儲爲有用之材所有各項考試不得不因時變通以資造就著自明年爲始嗣後鄉會試頭場試中國政治史事論五篇二場試各國政治藝學策五道三場試四書義二篇五經義一篇考官評卷合校三場以定去取不得全重一場生童歲科兩考仍先試經古一場專試中國政治史事及各國政治藝學策論正場試四書義五經義各一篇考試差庶吉士散館均用論一篇策一道進士朝考論疏殿試策問均以中國政治史事及各國政治藝學命題以上一切考試凡四書五經義均不准用八股文程式策論均應切實敷陳不得仍前空衍剽竊自此次降旨之後皆當爭自濯磨務以四書五經爲根本究心經濟力戒浮囂明體達用足備器使庶副朝廷求治作人之至意所有各試場詳細章程及其餘各項考試未盡事宜著禮部會同政務處妥議具奏○諭武科一途本因前明舊制相沿既久流弊滋多而所習硬弓刀石及馬步射皆與兵事無涉施之今日亦無所用自應設法變通力求實用嗣後武生童考試及武科鄉會試著卽一律永遠停止所有武舉人進士均令投標學習其精壯之幼生及向來所學之童生均准其應試入伍俟各省設立武備學

堂後再行酌定挑選考試章程以備將才將此通諭知之○調羅肇祿爲出使俄國欽差大臣○崑岡等奏續查殉難官員鳳啟富亮等請從優賜卹允之○壬午以張仁黼爲都察院左都御史陳璧爲順天府府尹○奕劻李鴻章電致 行在軍機處中城御史陳璧昨已升授僕少應交卸城差查該員自去年洋兵紛亂時措置得宜極有條理現在洋兵將次撤盡地面善後事宜亟須整理前次巡城期滿曾經奏留現若仍令會辦五城事宜於地方裨益匪淺乞代奏請 旨得 旨陳璧著准其留任○甲申以誠勳爲浙江布政使效曾爲江蘇按察使○丙戌劉坤一電致 行在軍機處坤一目前感冒旋患停滯胃脘瀘滿食入卽吐三日以來眠食俱廢精神恍惚不能閱看案牘體察病情恐非數日所能就痊兩江政務繁重礙難延擱致滋貽誤懇 恩賞假一月調理所有日行公牘委江甯藩司恩壽代拆代行請代奏軍機大臣奉 旨朕欽奉 慈禧端佑康頤昭豫莊誠壽恭欽獻崇熙皇太后懿旨劉坤一電稱因病懇請賞假等語覽奏其爲區系該督公忠體國任事實心現在時局艱難正賴認真經畫著毋庸賞假務卽隨時加意調養期早就痊以慰垂念○丁亥諭軍機大臣等增祺奏奉省需款孔亟擬將大凌河牧廠招租收價以裕餉糈一摺據稱奉省兵燹之後用項紛繁奏請協撥緩不濟急錦州大凌河牧廠一律招租可得銀數十萬兩於目前急需不無裨益馬匹變價及草豆節省銀兩解供要差亦可無誤請將牧廠官丁

改爲經制官兵一體交價報領升科將牧地准予弛禁等語所奏尙屬實在情形著照所請由該將軍遵
委委員詳慎開辦並將未盡事宜酌定章程奏明辦理將此諭令知之○戊子全權大臣奕劻李鴻章與
十一國駐京公使議訂和約十二款成其文曰大德欽差駐紮中華便宜行事大臣穆默大奧欽差駐紮
中華便宜行事全權大臣齊幹大比欽差駐紮中華便宜行事全權大臣姚士登大日欽差駐紮中華全
權大臣萬格幹大美國欽差特辦議和事宜全權大臣柔克議大法欽差全權大臣駐紮中國京都總理
本國事務便宜行事鮑源大英欽差便宜行事全權大臣薩道義大義欽差駐紮中華大臣世襲侯爵薩
爾瓦瑪大日本國欽差全權大臣小村壽太郎大和欽差駐紮中華便宜行事全權大臣克羅伯大俄欽
命全權大臣內廷大夫格爾思 大清欽命全權大臣便宜行事總理外務部事務和碩慶親王 大清
欽差全權大臣便宜行事太子太傅文華殿大學士北洋大臣直隸總督部堂一等肅毅伯李鴻章今日
會同聲明核定 大清國按西歷一千九百年十二月二十二日即中歷光緒二十六年十一月初一日
文內各款當經 大清國 大皇帝於西歷一千九百年十二月二十七日即中歷光緒二十六年十一
月初六日降 旨全行照允足適諸國之意妥辦附件一 光緒二十六年十一月初六日奉 上諭慶
親王李鴻章電奏並條約款均悉所有大綱十二條款
應即照 第一款一 大德國欽差男爵克大臣被戕害一事前於西歷本年六月初九日即中歷四月
准欽此

二十三日奉

諭旨

附件二

光緒二十七年四月二十三日奉

上諭醇親王載灃著派為頭等專使

欽派醇親王載灃為頭等專使大臣赴大德國大皇帝前代表

大清國大皇帝暨國家惋惜

此

欽派醇親王載灃為頭等專使大臣赴大德國大皇帝前代表

大清國大皇帝暨國家惋惜

之意醇親王已避

旨於西歷本年七月十二日即中歷五月二十七日自北京起程

第一款

大清國國家業已聲明在遇害處所樹立銘誌之碑與克大臣品位相配列敘

大清國大皇帝惋惜

事之旨書以鍊丁德漢各文前於西歷本年七月二十二日即中歷六月初七日經

大清國欽差全權大臣致大德國欽差全權大臣

附件二 西歷一千九百一一年七月二十二日即中歷光緒二十七年六月初七日

大清國全權大臣照會大德國全權大臣為照

事本年五月初三日接准貴大臣照稱和議總綱第一

款載明原任德國克大臣被處所署立銘誌之碑

節章京瑞良候選道聯芳奉派辦理章京等早經向本署開商議及此碑應如何做法應商議間

又稱願在被害處所用大理石樹立碑坊一座東西兩端滿漢文門大街因材料難於轉運故工多需時日

又設別法將他處現有之碑樓移至被害處所樹立成立

新碑樓或挪用舊有者均應聽候本國裁奪

本大臣當經電詢本國國家意旨向茲奉回諭德國大皇帝意旨親裁仍應立新碑坊一座足滿街衢

等因自應照辦即請迅速妥辦以便立刻興工等因前來本大臣當經札飭該章京等遵照辦理據報已

於五月初十日開工先築地基其開山鑿石轉運材料在在均須時日惟有督飭工人儘

力妥速辦理等語除飭將全工隨時稟商外相應照覆貴大臣查照可也須至照會者現於遇害處所

建立牌坊一座足滿街衢已由西歷本年六月二十五日即中歷五月初十日興工

第二款

懲辦

傷害諸國國家及人民之首禍諸臣將西歷本年二月十三二十一等日即中歷上年十二月二十五本

年正月初三等日先後降

旨所定罪名開列於後

附件四 光緒二十六年十二月二十五日奉 上諭京師自五月以來拳匪亂開贊友邦現經奕助

李鴻章與各國使臣在京議和大綱草約業已由押迫思發禍之始實由諸王大臣等昏謬無知張跋扈深信邪術挾制朝廷於剿辦拳匪之論抗不遵行反縱信拳匪妄行攻戰以致邪欲大張聚數萬匪徒於肘腋之下勢不可遏復主令幽莽將卒圍攻使館竟至數月之間釀成奇禍社稷隳危陟廟震驚地方蹂躪生民塗炭朕與皇太后危險情形不堪言狀至今痛心疾首悲憤交深是諸王大臣等信邪縱匪上危宗社下禍黎元自問當得何罪前者兩降諭旨尙覺法輕情重不足蔽辜應再分別等差加以懲處已革莊親王載勳縱容拳匪圍攻使館擅出違約告示又輕信匪言枉殺多命實屬惡暴冥頑著賜令自盡派署左都御史葛寶華前往監視已革端郡王載漪倡率諸王貝勒輕信拳匪妄言主戰致肇端罪實難辭降調輔國公載瀾隨同載勳安出違約告示亦應得著革去所職惟念俱屬懿親特予加恩仍著發往新疆永遠監禁先行派員看管已革巡撫毓賢前在山東巡撫任內妄信拳匪邪術至京爲之撓擻以致諸王大臣受其煽惑及在山西巡撫任內復殺害教士教民多命尤屬昏謬兇殘罪惡前已遣發新疆計行抵甘肅著傳旨即行正法並派按察使何福瑩監視行刑前協辦大學士吏部尙書剛毅和庇拳匪釀成巨禍並會出違約告示本應置之重典惟現已病故著追奪原官即行革職革職留任甘肅提督革職統兵人衛紀律不嚴又不諳交涉幸意幽莽雖則攻使館係由該革王等指使究難辭咎本應重懲姑念在甘肅素著勞績回漢悅服格外從寬著即行革職降調都察院左都御史英年於載勳指出違約告示曾經阻止情尙可原惟未能力爭究難辭咎著加恩革職定爲斬監候罪名革職留任刑部尙書趙舒翹平日尙無疾視外交之意其查辦拳匪亦無庇縱之詞惟究屬草率貽誤著加恩革職定爲斬監候罪名英年趙舒翹均著先在陝西省監禁大學士徐桐降調前四川總督李秉衡均已殉難身故惟貽人口實均著革職並將卹典撤銷經此次降旨以後凡我友邦當共諒拳匪肇禍實由禍首激迫而成決非朝廷本意朕懲辦禍首諸人並無輕縱即天下臣民亦曉然於此案之關係重大也欽此 附件五 光緒二十六年十二月二十五日奉 上諭禮部尙書啓秀前刑部左侍郎徐承煜均著先行革職交與李鴻章查明所犯確據即行奏明從嚴懲辦欽此 附件六 光緒二十七年正月初三日奉 上諭此案首禍諸臣昨已降旨分別嚴行懲辦茲據奕劻李鴻章電奏按照各國全權大臣照會尙須加重懲請酌等語除載勳已賜令自盡毓賢已勒即行正法各派員前往監視外載瀾載漪均定爲斬監候罪名惟念該屬親特予加恩發往極邊新疆永遠監禁即日派員押解起程剛毅情罪較重應定爲斬立決業經病故免其置議英年趙舒翹昨已定爲斬監候著即賜令自盡派陝西巡撫岑春煊前往監視啓秀徐承煜各國指稱力庇拳匪專與洋人爲難昨已革職著奕劻李鴻章照會各國交回

即行正法派刑部堂官監視徐桐輕信岑煦貽誤大局李秉衡好為高論固執贖禍均應定為斬監候惟念臨難自盡平經革職放歸卹典應免再議至首禍諸人所犯罪狀已於前旨內逐一明白聲明叙矣欽此
端郡王載漪輔國公載瀾均定斬監候罪名又約定如 皇上以為應加恩貸其一死即發往新疆永遠監禁永不減免莊親王載勛都察院左都御史英年刑部尚書周舒翹均定為賜令自盡山西巡撫毓賢禮部尚書啟秀刑部左侍郎徐承煜均定為即行正法協辦大學士吏部尚書剛毅大學士徐桐前四川總督李秉衡均已身故追奪原官即行革職又兵部尚書徐用儀戶部尚書立山吏部左侍郎許景澄內閣學士兼吏部侍郎銜聯元太常寺卿袁昶因上年力駁殊悖諸國義法極惡之罪被害於西歷本年二月十三日即中歷上年十二月二十五日奉 上諭開復原官以示昭雪

附件七 光緒二十六年十二月二十五日奉 上諭本年五月

月間拳匪倡亂勢日熾張朝廷以剿撫兩難迭次召見臣工以期折衷一是乃兵部尚書徐用儀戶部尚書立山吏部左侍郎許景澄內閣學士聯元太常寺卿袁昶經朕一再垂詢詞意均涉兩可而首禍諸臣遂乘機誣陷交章奏劾以致身罹重辟惟念徐用儀等官力有年平日辦理交涉事件亦能莊親王載勛和衷尚著勞績應即加恩徐用儀立山許景澄聯元袁昶均著開復原官該部知道欽此

已於西歷本年二月二十一日即中歷正月初三日英年周舒翹已於二十四日即初六日均自盡毓賢已於二十二日即初四日啟秀徐承煜已於二十六日即初八日均正法又西歷本年二月十三日即中歷上年十二月二十五日 上諭將甘肅提督毓福祥革職俟應得罪名定讞懲辦西歷本年四月二十九六月初三八月十九等日即中歷三月十一四月十七七月初六等日先後降 旨將上年夏間兇慘

案內所有承認禮答之各外省官員分別懲辦 第二款 西歷本年八月十九日即中歷二十七年

七月初六日 上諭將諸國人民遇害被虐之城鎮停止文武各等考試五年附件八 光緒二十七年七月初六日奉 上諭本

日奕劻李鴻章具奏各國議定游事地方停止文武各等考試五年一摺據稱順天太原地方鄉試仍應停止其單開山西之太原府忻州太谷縣大同府汾州府孝義縣曲沃縣大寧縣河津縣岳陽縣湖南平府文水縣壽陽縣平陽府長子縣高平縣澤州府陽城縣絳州府歸化城綏遠城河南省之南陽府河南縣鄭州光州陳州府浙江省之衢州府直隸省之北京順天府保定府永清縣天津府順德府望都縣獲鹿縣永安縣通州武邑縣景州滄平縣東三省之盛京甲子廠連山于慶街北林子呼蘭城陝西省之甯州江蘇省之都陽縣湖南省之衡州府等地方均應停止文武考試五年著各該省督撫學政遵照辦理

本年六月十八日即中歷五月初三日降 旨簡派戶部侍郎那桐為專使大臣赴大日本國大皇帝前

代表 大清國 大皇帝及國家惋惜之意附件九 西歷一千九百一年六月十九日即中歷光緒二十七年五月初四日 大清國全權大臣照會大日本國全

權大臣為照會事照得五月初三日接奉西安 行在軍機處來電內開軍機處奉 上諭戶部右侍郎那桐賞給頭品頂戴派為專使大臣前往大日本國敬請將命欽此欽遵寄信前來等因准此相應照會

貴大臣查照 第四款 大清國國家允定在於諸國被污漬及挖掘各墳塋建立滌垢雪侮之碑已與

諸國全權大臣會同商定其碑由各該國使館督建並由中國 國家付給估算各費銀兩京師一帶每

處一萬兩外省每處五千兩此項銀兩業已付清茲將建碑之墳塋開列清單附後附件十 北京附近

各墳塋清單 計開 英國墳塋一所 法 第五款 大清國國家允定不准將軍火暨專為製造軍

國墳塋五所 俄國墳塋一所 共七所

火各種器料運入中國境內已於西歷本年八月二十五日即中歷二十七年七月十二日降 旨禁止進口二年嗣後諸國以為有仍應續禁之處亦可降 旨將二年之限續展附件十一 光緒二十七年七月初四日本 上諭各省將軍督撫暨各關監督先於兩年內將所有外洋軍火及為製造軍火器料一概不准販運進口該部知道欽此 第六款 按照西歷本年五月二十九日即

中歷四月十二日 上諭 大清國 大皇帝允定付諸國償款海關銀四百五十兆兩此款係西歷一

千九百年十二月二十二日即中歷光緒二十六年十一月初一日條款內第二款所載之各國各會

人及中國人民之賠償總數附件十二 中歷光緒二十七年四月十二日即西歷一千九百一年五月二十九日 大清國欽差全權大臣照會各國領銜欽差大臣為照會事照

得四月初七日接奉貴大臣照會內開中歷本年三月十九日即西歷本年五月初七日因各國各會人賠償總數算至中歷本年五月十六日即西歷本年七月初一日為止共約海關銀四百五十兆兩左右當即照會貴王大臣副接貴王大臣覆文中國國家擬按月籌交海關銀一兆二十五萬兩所有借款係屬借款原本並未將利息算入為此本大臣再行照會貴王大臣酌核退還照覆等因准此本大臣查該款一節前曾將中國窘迫情形照會貴大臣請蒙察及茲接來文以每年攤還銀十五兆兩分三十年償清係係原本此外亦應算給利息本王大臣擬定每年另加利息四釐奏明奉 旨各國借款四百五十兆兩另加四釐利息准即照辦欽此惟中國財力短絀本利一期為難除原本之外其利息由總稅務司經理上年已還之本次年應減利息若干是否本利分期交付抑或幾成作本幾成作息一切詳細辦法尚望妥商議定但借款一事既副尊意各貴國應即 此四百五十兆係照海關銀連撤兵其撤兵期照應請 各貴國全權大臣迅賜示知事至會照

兩市價易為金款此市價按諸國各金錢之價易金如左 海關銀一兩 即德國三馬克零五五 即

四零七 卽荷蘭國一弗樂林七九六 卽俄國一魯布四二二俄國魯布按金平算卽十七多理亞

四此四百五十兆按年息四釐正本由中國分三十九年按後附之表各章精選附件十三

分年償還賠款本利新舊洋款表

光緒二十 八年 一千九百 二年	本利三兆 八十二萬 九千五百 兩	第一 款七 兆五 百八 十萬 兩	限以 千九 百一 十年 正月 一號 起	止即 光緒 二十 八年 正月 一號 止	廿一 月八 日	年一 月一 日	初十 二日 止	爲第 一十 年
利二兆四 十萬兩	本利三兆 八十二萬 九千五百 兩	第二 款六 兆六 百八 十萬 兩	光緒 二十 八年 正月 一號 起	至 光緒 二十 八年 正月 一號 止	四十六 年六 月一 日	本清 每六 年一 次	在 三十七 年六 月一 日	息年 但利 七
利六兆兩	本利三兆 八十二萬 九千五百 兩	第三 款十 兆一 百八 十萬 兩	自 光緒 二十 八年 正月 一號 起	至 光緒 二十 八年 正月 一號 止	六十六 年六 月一 日	每六 年一 次	在 三十七 年六 月一 日	息年 但利 七
利二兆兩	本利三兆 八十二萬 九千五百 兩	第四 款十 兆一 百八 十萬 兩	自 光緒 二十 八年 正月 一號 起	至 光緒 二十 八年 正月 一號 止	六十六 年六 月一 日	每六 年一 次	在 三十七 年六 月一 日	息年 但利 七
利四兆六 十萬兩	本利三兆 八十二萬 九千五百 兩	第五 款十 兆一 百八 十萬 兩	自 光緒 二十 八年 正月 一號 起	至 光緒 二十 八年 正月 一號 止	六十六 年六 月一 日	每六 年一 次	在 三十七 年六 月一 日	息年 但利 七
十八兆八 十二萬九 千五百兩	本利三兆 八十二萬 九千五百 兩	新賠 款每 年本 利總 數						
二十三兆 六十萬兩	本利三兆 八十二萬 九千五百 兩	售債 每年 本利 總數						
四十二兆 四十二萬 九千五百 兩	本利三兆 八十二萬 九千五百 兩	新舊 洋款 每年 總數						

光緒三十一年 一千九百零四年	光緒三十一年 一千九百零四年	光緒三十一年 一千九百零四年	光緒三十一年 一千九百零四年	光緒三十一年 一千九百零四年	光緒三十一年 一千九百零四年
本利三兆八千二百萬兩	本利三兆八千二百萬兩	本利三兆八千二百萬兩	本利三兆八千二百萬兩	本利三兆八千二百萬兩	本利三兆八千二百萬兩
利二兆四千萬兩	利二兆四千萬兩	利二兆四千萬兩	利二兆四千萬兩	利二兆四千萬兩	利二兆四千萬兩
利六兆兩	利六兆兩	利六兆兩	利六兆兩	利六兆兩	利六兆兩
利二兆兩	利二兆兩	利二兆兩	利二兆兩	利二兆兩	利二兆兩
利四兆六千萬兩	利四兆六千萬兩	利四兆六千萬兩	利四兆六千萬兩	利四兆六千萬兩	利四兆六千萬兩
十八兆八千五百萬兩	十八兆八千五百萬兩	十八兆八千五百萬兩	十八兆八千五百萬兩	十八兆八千五百萬兩	十八兆八千五百萬兩
二十三兆四千萬兩	二十三兆四千萬兩	二十三兆四千萬兩	二十三兆四千萬兩	二十三兆四千萬兩	二十三兆四千萬兩
四十二兆八千五百萬兩	四十二兆八千五百萬兩	四十二兆八千五百萬兩	四十二兆八千五百萬兩	四十二兆八千五百萬兩	四十二兆八千五百萬兩

[illegible]

[illegible]

光緒四十年
 本利三兆
 本利三兆
 本利三兆
 本利三兆
 本利三兆
 利四兆六
 廿四兆四
 十八兆五
 四十二兆

光緒四十年
 本利三兆
 本利三兆
 本利三兆
 本利三兆
 本利三兆
 利四兆六
 廿四兆四
 十八兆五
 四十二兆

光緒四十年
 本利三兆
 本利三兆
 本利三兆
 本利三兆
 本利三兆
 利四兆六
 廿四兆四
 十八兆五
 四十二兆

光緒四十年
 本利三兆
 本利三兆
 本利三兆
 本利三兆
 本利三兆
 利四兆六
 廿四兆四
 十八兆五
 四十二兆

光緒四十年
 本利三兆
 本利三兆
 本利三兆
 本利三兆
 本利三兆
 利四兆六
 廿四兆四
 十八兆五
 四十二兆

光緒四十年
 本利三兆
 本利三兆
 本利三兆
 本利三兆
 本利三兆
 利四兆六
 廿四兆四
 十八兆五
 四十二兆

[illegible]

光緒六十	本利三兆	本利三兆	本利三兆	本利三兆	本利三兆	本利三兆	本利三兆	本利三兆	本利三兆
五年	八十二萬	四十六萬	三十八萬	二十萬	六萬	六萬	六萬	六萬	六萬
一千九百	九千五百	九千八百	四千兩	百兩	百五十兩	百五十兩	百五十兩	百五十兩	百五十兩
三十九年	兩	兩	兩	兩	兩	兩	兩	兩	兩

光緒六十	本利三兆	本利三兆	本利三兆	本利三兆	本利三兆	本利三兆	本利三兆	本利三兆	本利三兆
六年	八十二萬	四十六萬	三十八萬	二十萬	六萬	六萬	六萬	六萬	六萬
一千九百	九千五百	九千八百	四千兩	百兩	百五十兩	百五十兩	百五十兩	百五十兩	百五十兩
四十年	兩	兩	兩	兩	兩	兩	兩	兩	兩

共計三十	共計一百	共計一百	共計一百	共計一百	共計一百	共計一百	共計一百	共計一百	共計一百
九年	四十九兆	六十五兆	九十八兆	八兆	七十九兆	八十二兆	七十九兆	七十九兆	六十九兆
	五百兩	四千兩	四千兩	兩	十兩	五十兩	五十兩	五十兩	五十兩
	兩	兩	兩	兩	兩	兩	兩	兩	兩

本思用金付給或按應還日期之市價易金付給還本於一千九百零二年正月初一日起一千九百四十年終止還本各款應按每屆一年付還初次定於一千九百零三年正月初一日付還利息由一千九百零一年七月初一日起算惟中國國家亦可將所欠首六箇月至一千九百零一年十二月三十一

日之息展在自一千九百零二年正月初一日起於三年內付還但所展恩欸之利亦應按年四釐付清又利息每屆六箇月付給初次定於一千九百零二年七月初一日付給

乙此欠欸一切事宜均在上

海辦理如後諸國各派銀行董事一名會同將所有由該管之中國官員付給之本利總數收存分給有干涉者該銀行出付回執 丙 由中國 國家將全數保票一紙交付駐京諸國欽差領銜大臣手內此保票以後分作零票每票上各由中國特派之官員簽押此節以及發票一切事宜應由以上所述之銀行董事各遵本國敕令而行 丁 付還保票財源各進款應每月給銀行董事收存 戊 所定承擔保票之財源開列於後 一新關各進款俟前已作為擔保之借款各本利付給之後餘剩者又進口貨稅增至切實值百抽五將所增之數加之所有向例進口免稅各貨除外國運來之米及各雜色糧麩並金銀以及金銀各錢外均應列入切實值百抽五貨內 所有常關各進款在各通商口岸之常關均歸新關管理 三 所有鹽政各進項除歸還前泰西借款一宗外餘剩一併歸入至進口貨稅增至切實值百抽五諸國現允可行惟須二端 將現在照估價抽收進口各稅凡能改者皆當急速改爲按件抽稅幾何定辦改稅一層如後作為估算貨價之基應以一千八百九十七八九三年卸貨時各貨率算價值乃開除進口稅及雜費總數之市價其未改以前各該稅仍照估價徵收 北河黃浦兩水路均應改舊中國 國家即應撥款相助 增稅一層俟此條款畫押日兩箇月後即行開辦除在此畫押日期後至遲十日已在途間之貨外概不得免抽 第七款 大清國國家允定各使館境界以爲專與住用之處並

獨由使館管理中國民人概不准在界內居住亦可自行防守使館界綫於附件之圖標明如後

附件十

京使館界址圖說 壹字即正陽門樓東英尺一百尺之綫相街南城牆上 由此點劃一界綫向正北
延長英尺二百十六尺直接貳字處 貳字即 皇城大清門前棋盤街環繞之白石欄東南角上 由

此點劃一界綫沿白石欄之東旁向正北延長英尺三百十尺直接叁字處 叁字即公使館街即東交
民巷相連街道之北首與貳字綫交角處 由此點沿公使館街北首即測定之城牆外圍及角向西沿

長英尺六百四十一尺半直接肆字處 肆字即公使館街北首在測定之兵部街西南角西面相距英
尺一百四十六尺之處 由此點沿舊屋空隙處向北沿長英尺二千一百五十二尺此綫與兵部街並

行在兵部街西面即兵部街通 皇城外廓之門西距英尺一百五十七尺處直接伍字處 伍字即兵
部街街頭向有之城門西首相距英尺一百五十七尺之處為 皇城外廓南城牆之南 由此點沿城

牆向正東沿長英尺一千二百八十八尺直接陸字處 陸字即 皇城外廓之東南角 由此點沿城
牆向正北測定直綫延長英尺二百八十八尺直接柒字處 柒字即 皇城外廓之東北角 由此點向

東延長英尺六百八十一尺直接捌字處 捌字即 皇城城牆之東南角 由此點向北沿城牆延長
英尺六十五尺直接玖字處 玖字即 皇城城牆東南角英尺六十五尺之處 由此點向東延長

英尺三千零十尺直接拾字處 拾字即克林德街即崇文門大街西首與意大利街即長安街交角相
距英尺三百尺之處 由此點沿克林德街之西面向正南沿長英尺二千一百九十九尺直接拾壹字

處 拾壹字即說相街南城牆上為崇文門之西北角 由此點沿城牆至崇文門西面馬路直接拾貳
字處 拾貳字即崇文門門樓西面相距英尺一百尺之城牆上 由此點沿城牆照圖上所畫城垛接

至壹字處並以圖中甲乙丙記號為證 甲字在說相街城牆頂上之北首即城河灣之中點 丙字在崇文門門樓西
英尺一百零七尺之處 乙字在說相街城牆頂上之北首即城河灣之中點 丙字在崇文門門樓西

北東面之綫係崇文門大街圖上拾拾壹拾貳等字北面圖上係伍陸柒捌玖拾等字之綫西面圖上係
壹貳叁肆伍等字之綫南面圖上係拾貳壹等字之綫此綫循城牆南址隨城垛而畫按照西歷一千九

百零一年正月十六日即中歷上年十一月二十六日文內後附之條款中國 國家應允諸國分應自

主常留兵隊分保使館 第八款 大清國國家應允將大沽礮臺及有礙京師至海通道之各礮臺一

律削平現已設法照辦 第九款 按照西歷一千九百零一年正月十六日即中歷上年十一月二十

六日文內後附之條款中國 國家應允由諸國分應主辦會同酌定數處留兵駐守以保京師至海通

道無斷絕之處今諸國駐守之處係黃村郎坊楊村天津軍糧城塘沽蘆臺唐山灤州昌黎秦皇島山海

關 第十款 大清國國家允定兩年之久在各府廳州縣將以後所述之 上諭頒行布告 西歷

本年二月初一日即中歷上年十二月十三日 上諭以永禁或設或入與諸國仇敵之會違者皆斬

十五 光緒二十六年十二月十三日奉 上諭各省會匪藉滅洋為名糾集立會攻殺各國人民迭經

降旨嚴禁不啻三令五申乃近年直隸各屬竟有大刀會義和拳名目到處傳習肆行殺掠蔓延直隸閩

入京師以致焚燬各國人民教堂房產等業圍攻使館叩罪都貽誤大局朕以保護未至負疚滋深爾

百姓平日食毛踐土具受國恩乃敢逞其好勇鬪狠之私習為符咒邪妄之術拒捕戕官殺害各國人民

肆無忌憚違爾條此奇禍上貽君父之憂追念之餘尤深痛恨業經嚴飭各路統兵大臣實力剿辦務淨

根株並將縱庇義和拳之王大臣各照應得之罪分別輕重盡法嚴懲殺害凌虐各國人民之各城鎮概

停文武各項考試五年以示懲儆惟思鄉僻愚民尚未周知特再嚴行申禁以免不教而誅爾軍民人等

須知結黨入會例禁甚嚴朝廷辦理會匪之案從未稍寬況各國皆屬友邦教民亦係赤子朝廷視同

仁毫無所視無論教民即或果有被欺情事亦應呈報官司聽候核辦何得輕聽謠言便殺視同草芥

事敗之後貽害遠邇愚者受戮法所難容情實可憫自此次嚴諭之後各宜悔悟自新捕改舊習如再有

估惡不悛之徒私立壇入仇視各國人民各會持械格鬪公然劫掠將首從各犯嚴密查拿盡法懲治決

不寬貸各省將軍督撫大吏均有牧民之責務各嚴飭所屬剴切曉諭並將此次諭旨刊刻曉諭黃偏行張

貼務使家喻戶曉勉為善良以無負朝廷諄諄 西歷本年二月十三三十一四月二十九八月十九

諸諭詳以止辟之至意將此通諭知之欽此

當日即申歷上年十二月二十五本年正月初三十一七月初六等日 上諭一道犯罪之人如何

懲辦之處均一一載明 西歷本年八月十九日即申歷七月初六日 上諭以諸國人民遇害被害

各城鎮停止文武各等考試 西歷本年二月初一日即申歷上年十二月十三日 上諭以各省督

撫文武大吏暨有司各官於所屬境內均有保平安之責如復滋傷害諸國人民之事或再有違約之行

必須立時彈壓懲辦否則該管之員即行革職永不敘用亦不得開脫別給獎敘 六年十一月十六日 光緒二十

上諭中外訂約以來各國人民准入內地載在條約朝廷慎重固邦交涉經綸各省實力保護乃地方

官漫不經心以致匪徒肆行滋擾傷害各國人民之案層見叠出朕雖迭次諭旨無以化導愚民良深引疚地

方各官平日於洋務不知講求於交涉因知大體以致燎原引火貽害若國撫吏自問當亦難安自今以

往其各振別精神肅清除成見不知修好睦鄰古今通義遠人來華或通商以懲懲有無或游歷以增長學

識即傳教之士亦以勸人行善為本梯山航海備極艱辛我中國既稱禮義之邦宜盡賓主之道況近年

華民出洋者不下數十萬人身家農田悉賴各國保全即以報施而論豈得稍存岐視著再責成各直省

文武大吏通飭所屬遇有各國官民入境務須切實照料保護倘有不逞之徒凌虐戕害各國人民立即

馳往彈壓拘犯懲辦不得稍涉玩延如或漫無覺察甚至有意縱容釀成巨案或另有違約之舉不即立

時彈壓犯事之人不立行懲辦者該管督撫文武大吏及地方有司各官一經革職永不敘用不准投効

他省希圖開復亦不得別給獎敘並將此次諭旨 併同布腔黃曉諭以期官民交儆永革凌風欽此

以上 諭旨現於中國全境漸次張貼 第十一款 大清國國家允定將通商各船各條約內諸國視

為應行商改之處及有關通商各項事宜均行議商以期妥善簡易現按照第六款賠償事宜約定中國

國家應允襄辦改設北河黃浦兩水路其襄辦各節如左 北河改設河道在一千八百九十八年

東華續錄 光緒二十六年十一月十六日 十七

會同中國 國家所興各工近由諸國派員重修一俟治理天津事務交還之後即可由中國 國家派

員與諸國所派之員會辦一國 國家應付海關銀每年六萬兩以養其工 二 現設立黃浦河道局經

管整理改善水道各工所派該局各員均代中國暨諸國保守在滬所有通商之利益預估後二十年該

局各工及經營各費應每年支用海關銀四十六萬兩此數平分半由中國 國家付給半由外國各干

涉者出資該局員差並極責及進款之詳細各節於後附文件內列明 附件十七 修治黃浦河道局章

局章程之局自江南製造總局之下界向港口其名為龍華港作一直錢起至揚子江中紅色各標嘴為

止 第四 該局應任之員開列於後 甲上海河道 乙海關稅務司 丙各口領事中公舉 丁

上海通商總局中公舉 戊由各商行船公司及在上海吳淞或黃浦之各他口岸所有每年

進出口船隻噸數逾五萬之行商公舉 己以保行船行商利益 己公共租界工部局一員 庚法國

租界工部局一員 辛各國在滬及吳淞並黃浦之各他口岸如每年進出船隻噸數逾二十萬噸者由

該國國家特派一員 第五 所有因居官職應任之員當按照居此官職之時即供該局之任 第六

各工部局及通商總局所舉之員在局期限 年滿者亦可立即公舉續充按第四條辛字各該國所

派之員在局亦期限一年其餘各員均係 第八 年限滿者亦可立即公舉續充 第七 期限之內如有開

缺接任者即交其班供職一年或二年 第八 由該局員中公舉督辦一員期限皆係一年督辦之時

如投名無較多之數即請各國領事中之領銜者人名以成較多之數 第九 凡督辦不在座督辦即

代之若均不在座由在座之員公推一位作為此次督辦 第十 凡該局會議時如值投名均則任

由督辦列名以成其事 第十一 至少非有四員該局不能會議事件 第十二 該局應用之員差

均可隨意聘請以為修辦工築及施行一切章程其薪水工資貼費均由該局指定數目由進款內給發

章程及員差一切事務均由該局自行辦理員差亦由該局任便辭退 第十三 所有經理行船應置

各節由該局立定河內所設停泊船隻器用並整理停泊在第三條所述限內以及各水道如吳淞口並

過上海法租界或公共租界或吳淞洋界各港此外入河之各他港自港口往上海英滿勒之遠均在應
置各條之內第十四 凡入於河內所設停船器具該局皆有取獲之權另設公共停船器具之法
第十五 第十三條所連河內所有挖河修築碼頭等工以及各浮碼頭浮房應由該局允准方能修建
該局亦可隨意不允第十六 凡除去河內及以上所述各港阻礙之事並去阻各費隨事向責成之
人索取該局皆有全權第十七 第十三條所連之河港內所有浮燈浮標標記標燈以及地上設立
保護船隻按行河道之具除燈樓之外均由該局任便安置燈樓仍按一千八百五十八年小英天津條
約第二十條辦理第十八 所設改善及保全黃浦各工統由該局工程司管理如因其工應在轄
界之外則亦一律辦理應仿行之處當由中國官員允准方可照辦第十九 與工所管全山該
局出入追課及施行章程各事亦由該局會同應管之官設法辦理第二十 海口理船長及其所用
之人均由該局揀派理船長事務於第十三條內所述之河亦在該局所有權柄之內舉辦第二十
下局有整頓巡查一切事務之權以期確照章程及佈告而行之執照祇能由該局任便發給第二十三
凡違章者如係外國人民該局即向該國領事或應管之律法官控告中國人民及無欽差駐上國
之人在台審衙門控告審訊時必由外國官員在旁觀審第二十四 凡控告該局即向上海各國領事
公堂投告凡涉訟之事均係該局總辦代為審理第十五 該局各員及所用之人因投名議定之
事及所辦事件均已定合同或議定之出致等事其該局或所屬各司之權柄號令而行及有別
詳辦施行該局發章各該本人並不擔責第十六 除第十三條所連行船應置各節外應定章
程及章程罰款如在權力之內均可由該局宣布第十七 第十三條所連之章程應早請各國
領事官允准如章程稿底呈交一箇月後各國領事並無阻止或照改之處其稿即當作准亦可照辦
第二十八 凡改善全黃浦各工所應用之地該局有取捨之權如照此議酌有地段宜於採用即按上
海洋界法租界公共租界地產章程第六條A字辦理地價即由業主本國之官及該局並領餉事各舉
人議定第二十九 河內地段前如因改善河道之工增加淤灘應先由該局主顧各買用地價
按第二十八條所連山取派人議定第三十 該局進款開列於後甲法租界及公共租界各地產
無論有無估價每年值千抽一乙黃浦灘兩岸自江南製造局之下界向港口其名為浦華港
作一直線自該局起至黃浦入揚子江處為止之各地產亦按甲字抽此地估價亦按第二十八條所
連山舉派人議定丙非中國式貨船隻數目逾一百五十噸者進出上海吳淞及黃浦之各他口岸均

按每噸抽鈔銀五分非中國式樣船隻自一百五十噸以下者以上所計鈔銀四分之一每船無論進口
若干次每月抽收一次非中國式樣之船在揚子江中行駛者為領取江照行至吳淞者免抽以上所
之鈔銀惟來往之時不得在吳淞有商賈之行係能取水購食而已丁凡在上海吳淞及黃浦之各他
口岸稅關之貨均按估價值千抽一戊中國國家每年津貼該局之款應與外國十比者每年所付該
局各款總數相同第三十一條第二條所運之各款課稅由後列之員轉領甲字課由各工部局
征收乙字課在中國駐有欽差領事之國民由該領事征收中國人民及在中國無欽差領事之國民由
上海道征收丙字課由兩字課課由新海關征收第三十二條該局每年進款總數付還興工借款本利及
養已竣之工並辦理一切事務諸費有所不敷即可就船地產無論有無房開及商貨各餉課一律均
勻比增以至抵費用之數其第三十條戊字中國國家所貼亦一律比增第三十三條凡應按照第三
十條有增加之情形先行知照駐各該國領事此項增加應俟駐各該國領事允准方能施行第三
十四條每年賬目算給後六箇月內應由該局將前十二箇月內經辦各事及進出款詳細呈報各國駐
領事所開各節即應印發通行第三十五條所印發詳細之賬查如進款有溢出款則將第三十條所
運各款課均由各國駐領事會同河道局均均比減其第三十條戊字中國國家所貼亦一律比減
第三十六條第一年期滿之後各列名畫押之大臣即會查此附件內應行更改之處更改將來每
屆三年仍可照此會查更改第三十七條在第十二條所運各界限第十二款西歷本年七月二
十四日即中歷六月初九日降旨將總理各國事務衙門按照諸國酌定改為外務部班列六部之前

此上諭內已飭派外務部各大臣矣分附件十八光緒二十七年六月初九日本上諭從來設官

講信修睦才賴得人而理從前設立各國事務衙門所理交涉雖歷有年所惟所派王大臣等多係兼差
恐未能殫心職守自應特設員缺以專責成總理各國事務衙門著改為外務部所派王大臣等係兼差
領外務部王大臣助理外務部事務體仁閣大學士王文韶著改為外務部王大臣尚書鴻臚著調
補外務部尚書陸為會辦大臣太僕寺卿徐壽朋候補四品京堂聯芳著補授外務部左右侍郎所有
該部應設司員補缺章程並各司官應如何給此且變通諸國欽差大臣親見禮節均已商定山
俸格之處著政務處大臣會同吏部妥速核議具奏欽此

中國全權大臣屢次照會在案此照會在後附之節略內述明附件十九 見禮節節略 各國使

國 大皇帝當在 皇清宮正殿 各國使臣親見時乘坐大轎至 景運門外換坐轎轎至 乾清

門 照例降輿步行入 乾清宮在 大皇帝御前親見退時乘坐大轎至 景運門外換坐轎轎至 乾清

宮 照例降輿步行入 乾清宮在 大皇帝御前親見退時乘坐大轎至 景運門外換坐轎轎至 乾清

宮 照例降輿步行入 乾清宮在 大皇帝御前親見退時乘坐大轎至 景運門外換坐轎轎至 乾清

宮 照例降輿步行入 乾清宮在 大皇帝御前親見退時乘坐大轎至 景運門外換坐轎轎至 乾清

宮 照例降輿步行入 乾清宮在 大皇帝御前親見退時乘坐大轎至 景運門外換坐轎轎至 乾清

宮 照例降輿步行入 乾清宮在 大皇帝御前親見退時乘坐大轎至 景運門外換坐轎轎至 乾清

宮 照例降輿步行入 乾清宮在 大皇帝御前親見退時乘坐大轎至 景運門外換坐轎轎至 乾清

宮 照例降輿步行入 乾清宮在 大皇帝御前親見退時乘坐大轎至 景運門外換坐轎轎至 乾清

宮 照例降輿步行入 乾清宮在 大皇帝御前親見退時乘坐大轎至 景運門外換坐轎轎至 乾清

宮 照例降輿步行入 乾清宮在 大皇帝御前親見退時乘坐大轎至 景運門外換坐轎轎至 乾清

宮 照例降輿步行入 乾清宮在 大皇帝御前親見退時乘坐大轎至 景運門外換坐轎轎至 乾清

宮 照例降輿步行入 乾清宮在 大皇帝御前親見退時乘坐大轎至 景運門外換坐轎轎至 乾清

呂誠李希德等再四籌維命呂用德文信致廣音泰婉商外部以跪禮我國萬難應允於德既無所取更與兩國體面尤有相關作為出自禮意懇請德王寬免一面又與駐巴在爾艾領事面商或將此意由禮備函徑達外部託其先為代通消息復於十八晚面命呂使趕回德京設法接辦十九呂回後接囑電亦即轉電呂命其照示再與外部切商旋於廿申據艾領事來稱頃得外部電命詢王爺何時起身以速為宜我皇必見跪禮已免遞書祇帶陸昌一人餘在別殿伺候等語當晚復接呂回電云德皇六號出巡現據外部大司員云王爺前來德王必見事有轉機云云據以上各情事已挽回但為時甚迫禮未敢稍涉拘泥趕即於十一點鐘令該國來接各官備車前往廿一三點到坡忠丹德皇又遣朝車並頭等提督接禮等均至舊皇宮居住供應優渥隨商訂次日進見並送故德后花園禮節廿二已刻親至故德后墓如禮十二點復遣朝車提督迎至新行宮禮隨帶陸昌進見內殿遞書宣讀頌詞張翼六人在外殿侍立禮成德皇遣馬隊送歸歸行宮兩點德皇親來拜意極殷勸坐談良久並命備丹車游覽哈芳湖孔雀島廿三早看操午後仍至新行宮進見德皇並留多在柏林居住看各廠院又面屬前赴丹西會晤亨利親王看其水師禮未便拂卻現擬見德后後即赴柏林另住客寓所有一切均賴國家鴻福俱臻妥協堪慰 宸念祈代奏馬電已收云報聞○庚寅夏疏奏奴才於本年七月十五日承准軍機大臣字寄

前請隨扈已奉 旨允准現在定期八月二十四日 回鑾所有潼關至陝州一路派定奴才統率所巡沿途分布照料其丁鴻臣所帶各營仍留韓嶺駐紮聽調相應將 踴路尖宿地方鈔錄知照等因承准此除轉知丁鴻臣遵照辦理外一面調回分紮太谷祁縣榆次三營並韓嶺原紮三營暨親兵共二千八人定期七月二十二日起程開赴潼關奴才酌帶親兵由開喜縣分道過茅津渡赴陝州轉至潼關敬請 查勘沿途尖宿處所以便派營照料恭候 聖駕報聞○壬辰諭現在整頓兵制停止武科取應於各省會建立武備學堂以期培養將才練成勁旅查北洋湖北所設武備學堂及山東所設隨營學堂均已辦有規模應即責成李鴻章劉坤一張之洞袁世凱等酌量擴充認真訓練其應如何分門操習俾精兵學而備千城一切規制章程務再悉心核議斟酌盡善詳晰具奏請旨施行其餘各省即著該督撫設法籌建一體仿照辦理以歸畫一將此通諭知之○諭朕欽奉 慈禧端佑康頤昭豫莊誠壽恭欽獻崇熙皇太后懿旨捐納職官本一時權宜之政近來捐輸益濫流弊滋多人員混淆仕路冗雜實為吏治民生之害現在振興庶務亟應加意澄清嗣後無論何項事例均著不准報捐實官自降旨之日起即行永遠停止通限兩箇月內截數報部毋得奏請展限其虛銜封典翎枝貢監及現行常例准捐各項究竟有無妨礙著該部核議奏明辦理○癸巳諭前因各省制兵防勇甚為疲弱業經通諭各督撫認真裁汰另練

有用之兵因念練兵必先選將而將才端由教育而成自應廣建武備學堂挑選練習用儲腹心干城之選但學堂成效既非旦夕可期其各省之設有學堂者學成之日現尙不敷分調惟有仍就原有將弁擇其樸實勤奮者遴選撥用著各省將軍督撫將原有各營嚴行裁汰精選若干營分爲常備續備巡警等軍一律操習新式鎗礮認真訓練以成勁旅仍隨時嚴切考校如有沾染舊習惰廢弛卸行嚴懲懲辦朝廷振興戎政在此一舉各該將軍督撫務當實力整頓加意修明以期日有起色無負諄諄誡諭之至意所有改練章程及應如何更定餉章著政務處咨行各省悉心核議奏明辦理將此諭知之